

April 13, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

Un biaha mas

BOTO A YEGA SIN CU RADAR A CAPT'E: A GARA MAS DI 10 ILEGAL NA SERO COLORADO



DIADOMINGO anoci rond di 10:00 pm a drenta informacion di yegada di varios persona na tera den zona di Sero Colorado. Inmediatamente a despacha diferente unidad p'e sitio y a duna inicio na un accion di buskeda.

E esfuerso di autoridadnan local a duna su fruta cu detencion di 11 persona, 9 hende homber y 2 hende muher, kende a purba di drenta nos isla di manera ilegal. Varios di nan ta cara conoci, pues a deporta nan di Aruba caba recientemente, y awor kier bolbe pero den forma ilegal.

Pero loke ta hala atencion ningun di e radarman cu tin, ni Wardacosta cu mester patruya rond di e.o. Aruba no a detecta net nada.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Den tur skina di Aruba pueblo ta sclamando y sufriendo

Medida di Prome Minister Evelyn Wever Croes pa reduci gasto medico ta impactando tur hende

DEN practicaemente tur cas rond di Aruba, pueblo ta sinti e impacto grandi di kisas e medida mas inhumano cu Gobierno di partido MEP por a tuma, esta di reduci gasto di AZV cu 50 miyon pa luna loke ta nifica 60 miyon pa aña.

Cualquier gobernante cu un tiki sentimento di convivencia cu su pueblo, lo no a ni hinca e tipo di medida horendo aki den su mente, corda pa ehecuta algo asina, cu tin miles di ciudadano desampara.

Hendenan cu ta acudiendo na nan dokter di cas, ta haya nan receta y ta bay botica pa busca e remedinan aki, ta wordo confronta na caha ora di paga, cu kisas ta solamente un di e remedinan so, nan por haya liber di pago y cu e otronan nan tin cu cubri e gastonan.

Pa colmo den e remedinan cu a dicidi cu no ta duna pueblo gratis mas, tin remedinan cu pueblo tin mester tur dia, manera hendenan cu ta sufri di stoma, hendenan cu ta sufri di ansiedad, hendenan cu ta sufri di tripa y awor ta wordo confronta cu nan tin cu paga p'e remedinan aki.

No ta husto, ya cu ta mesun pueblo aki, pa gran parti no tin entrada normal n'e momentonan aki, nan a perde gran parti di nan entrada y Prome Minister Evelyn Wever Croes tabata sa di esaki, pero a prefera di hunga grandi cu Hulanda, caminda su persona a sugeri na Gobierno di Reino, cu e lo introduci e medida aki cual lo evita cu e tin cu manda trahadornan cas.

Ta increibel pa lider di un pais, ta opta pa tuma medida asina drastico, caminda Gobierno ta hunga su salud di hende, cortando den remedinan necesario, p'asina no mester manda un grupo grandi di hendenan cu e Gobierno mes a nombra den servicio cas. Informacion adkeri for di personal di boticanan, ta ser muestra cu tur dia tin hendenan ta zundra den botica ora cu nan wordo confronta cu e triste realidad aki, sorprendi totalmente ya cu nan no tabata

na altura di e abuso aki y cu a aporta ainda mas grandi, na un situacion financiero cu ya caba nan ta pasando aden pa motibo di e pandemia cu e isla ta confronta cune.

Den bishita di politiconan na cas di votadornan, ta mesun kehonan ta bin dilanti, ta mesun gritonan di angustia ya cu no ta tur hende tin suficiente poder financiero pa cumpra nan remedi, ya cu realmente nan no tin placa p'esaki.

Pa colmo e situacion ta bira ainda mas alarmante den futuro ora cu otro medida di Gabinete Wever Croes y Hulanda wordo introduci, esta e impuesto BTW caminda pueblo tin cu paga 16.5% na momento cu e cumpra algo y ta paga p'esaki na caha, loke lo haci e situacion financiero di pueblo, ainda mas delicado.

SALARIO

Fuera di e asunto di remedi, mas y mas ta birando conoci cu otro decision di Prome Minister Evelyn Wever Croes pa muestra Hulanda cu su Gobierno ta bahando gasto di maneho y persona, ta ora cu su persona mes a infoma Hulanda cu e lo reduci salario di trahadornan publico cu 12.5%.

Na inicio Prome Minister Evelyn Wever Croes a sali bisa cu ta un decision impone pa Hulanda pero siman pasa ta bin sali na cla cu Gobierno Hulandes a confirma cu esaki ta otro idea di e Prome Minister di Aruba, cual ta muestra tambe e motibo di con ni na Corsou, Sint Maarten of Bonaire, e reduccion salario aki a wordo ehecuta.

Ta na Aruba so trahadornan publico mester a entrega salario, trahadornan di companianan estatal tambe mester a entrega salario algo cu no a sosode na ningun otro caminda loke ta confirma un biha mas, cu Gabinete Wever Croes nunca tabatin e hende central, nunca a traha pa pueblo y nunca a percura pa pueblo progresa.

Editorial



Ministerio Publico pa di dos eleccion sigui actuando como partido politico

Pa: Victor (Toko) Winklaar

NO tin otro forma pa splica e funcionamiento di Ministerio Publico diadomingo ultimo, ora cu a bay over na detene e hoben dama R.R. como parti di e investigacion den caso di Avestruz, mientras cu dialuna mainta a detene un di dos persona, e homber J.F. relaciona cu e investigacion aki.

Na luna di october di 2019 AWEMainta despues di otro accion cu Ministerio Publico a hiba na cas di ex Minister Benny Sevinger, nos a señala caba cu Ministerio Publico ta lantando hopi duda den su credibilidad ora cu ta net durante di campaña electoral, e tipo di actividadnan aki ta wordo ehecuta.

Ya caba prome cu eleccion di 2017, Ministerio Publico a actua y detene y interroga Paul Croes, kende tabata Minister den Gabinete Mike Eman, algo cu e tempo ey caba a crea e impresion cu tanto Ministerio Publico como Landsrecherche, ta actuando den un forma caminda politica e infiltra e dos entidadnan aki.

E duda den e rol cuestionabel di e forma di procede di Ministerio Publico y Landsrecherche diadomingo ultimo tambe, a bira mas grandi sigur despues cu practicamente Gobierno demisionario di Evelyn Wever Croes, practicamente no tin argumento valido pa hiba un campaña efectivo mirando e maneho cu a wordo hiba pa ultimo tres aña y mey.

AWEMainta a yega di spierta pe situacion aki na 2020 y hasta a anticipa cu MO lo por bira un factor politico den e proceso electoral, usando e pretexto cu ta un investigacion comun y coriente riba un caso serio.

Awor un biaha mas, mientras cu AWEMainta den un publicacion for di algun luna atras a mostra cu ta di spera cu Ministerio Publico lo no transforma sum es den un tipo di “aliado politico” ata e mesun situacion cu na 2017 ta bolbe presenta su mes.

Un tipo di maneho dudoso sigur den e forma di procede, cu ta lanta den gran parti di comunidad, e impresion cu Ministerio Publico ta wordo guia y dirigi pa podernan politico, sea aki na Aruba of for di Hulanda, ya cu no por ta coincidencia cu ta net awor den porta di eleccion, cu proceso cu a wordo adelanta ora cu Prome Minister Evelyn Wever Croes a dicidi di baha su Gobierno, cu net awor Ministerio Publico ta sigui procesa e investigacion den caso Avestruz.

Un caso cu tin mas c’un aña andando, caminda a tene varios buskeda den cas di varios hende, pero caminda e lentitud di e investigacion, a bolbe habri caminda pa duna grandi den loke Ministerio Publico ta haciendo un biaha mas, ya cu den e caso na 2017 contra ex Minister Paul Croes, tambe a bay riba un tipo di “evidence hunting”, buscando cosnan cu nan no tabatin, buscando algo pa bay tras di un politico caminda inicialmente a pensa riba un totalmente otro rumbo.

Den e tempo ey Ministerio Publico a ehecuta un tipo di “witch hunt” buscando hendenan pa testigua contra di e politico, formulando scenarionan den cual e testigonan cu nan a busca, a practicamente wordo intimidada y presiona den un sistema casi ilegal.

Un sistema di presiona legalmente testigonan mescos cu a haci despues tambe den un investigacion pa robo di radio di polis, serando hende pa algun dia, hungando e wega psicológico te ora cu gara e hendenan aki den nan momento mas delicado.

Diadomingo atardi Ministerio Publico a bolbe mostra un debilidad of mihor bisa, un tipo di actitud abusado, ora cu nan a bay Aeropuerto Reina Beatrix, no pa evita c’un persona lo por huy for di gara di husticia, pero pa detene un ciudadano Arubiano ora cu el a regresa for di exterior.

Dilanti di tur hende, usando e poder di publicidad, Ministerio Publico a bay detene un dama hoben, kende tambe nan por a sigui su tras y detene ora cu e persona aki a yega su cas aki na Aruba.

Ministerio Publico por bisa a logra su proposito, sea judicial of politico, kisas ambos ora cu e detencion a tuma lugar y den cuenta di algun minuut, e noticia di e detencion a plama rond Aruba na un momento cu politiconan tabata druk bishitando cas di votadornan.

E forma di procede aki ta sin sentido, e no tin logica ya cu e persona cu a wordo deteni na aeropuerto, no tabata tratando di huy for di e isla, pero pa regresa su cas y henter e drama cu autoridadnan a hunga na aeropuerto, ta simplemente algo sin sentido.

Loke tambe ta crea hopi duda den e proceso of actuacion di Ministerio Publico autoridadnan policial, ta cu esaki ta bin net na un momento cu e partido di oposicion, AVP, tabata anunciando un candidato nobo, na momento cu esnan di e partido tabata bishitando hende y papiando cu hopi hende.

Un accion cu ta mostra riba e momento cu Gobierno a dicidi di implementa medidanan nobo, ora cu AVP a celebra 18 di Maart den un forma impresionante, cu hopi hende circulando rond di Cas di Partido, igualmente ora cu Evelyn Wever Croes a baha su Gobierno y cantidad di hende a bin celebra n’e mesun cas aki di AVP y diabierna ultimo ora cu Gobierno e extende e prohibicion pa actividadnan di drive thru y drive by.

Ministerio Publico sin ta oficial, practicamente a anuncia su participacion n’e di dos proceso electoral di Aruba, ora cu nan a haci esaki na 2017 y awor ta haciendo mesun cos na 2021.

Faltando 25 dia pa entrega lista di candidato

Hopi partido politico luchando pa haya candidatonan pa subi lista

COMPARA cu eleccion di 2017, e campaña electoral pa eleccion 2021 cu lo tuma lugar na juni benidero, no ta bayendo cu asina hopi animo mirando cu desde cu Gabinete Wever Croes a dicidi di bay cas riba nan mes, e fecha pa eleccion pa wordo adelanta cu tres luna.

Esaki a crea hopi inconveniencia pa partidonan politico, pero tambe pa politiconan cu tabata trahando pa busca material di propaganda for di exterior, pero awor ta confrontando un situacion serio cu tempo.

E factor tempo ta hungando un rol grandi awor, nos solamente pa loke t'e mensahe cu partidonan politico kier hiba na nan votadonan, pero tambe pa preparacion di esnan cu kier drenta e arena politico.

Loke mester a bira un proceso di seis luna, a wordo corta awor den un tempo sumamente cortico pa ehecuta plannan cu e organisacionnan politico tabatin pensa di haci.

Kisas e unico partido cu a kere cu e t'esun beneficia a p'e decision di Prome Minister Evelyn Wever Croes pa manda su Gobierno cas, esta su partido MEP, ya cu e pensa cu como partido den Gobierno, e lo por beneficia di henter un aparato publico pa plama su mensahe.

Sinembargo e partido aki tambe ta confrontando problemanan interno basta serio, cu hopi hende, tanto votadonan como sostenedornan, bandonando fila di e partido, pa tur loke a bin ta pasando, sigur ora cu e partido no a cumpli cu ningun promesa cu el a bira tur hende cu e lo haci y lo ehecuta.

Awor cu pueblo sufriendo caba bastante p'e pandemia di Covid-19, partido MEP awor ta wordo confronta pa decisionnan tuma n'e mesun lider di e partido, den acuerdo cu el a firma cu Hulanda, entre otro entregando autonomia financiero di e pais, reduccion di 60 miyon den

cuido medido y reduccion salarial di trahadornan publico y di companianan estatal.

Decisionnan cu tur dia pueblo ta sinti e efectonan y pa colmo despues di a dicidi di manda su Gobierno cas, otro fabornan politico cu mester a wordo ehecuta prome cu eleccion, no por tuma lugar mas ya cu nan lo no tin base legal.

Esaki a pone cu hopi di hendenan cerca di e partido a dicidi di bira lomba pa MEP, ya cu e frustracion ta grandi y ta sigui crece dia pa dia, cu hopi hende conoci di e partido, rabia na e momentonan aki.

Otro partidonan tambe tin problema pa yena nan lista cu candidatonan y atrobe lo mira cu algun partido lo entrega un lista cu candidato limita mescos pa eleccion 2017 ya cu no tin suficiente persona mucho interesa pa drenta politica of pa bay campaña den un periodo di pandemia.

ULTIMO INFORMACION

Casonan di Corona Virus na Aruba pa 11 di April 2021

Select English Below

11/4/2021	TOTAL	RESIDENTE	NO-RESIDENTE
Casonan Nobo	34	25	9
Activo	547	468	79
Recupera	9411	8770	641
Positivo	10050	9326	719
Negativo	125275	-	-
Getest	135812	-	-
Getest na Airport	89562	-	-
Morto	92	91	1

Resumen di casonan di Covid-19 na Aruba

SEGUN resumen di ayera 57 persona a recupera, a registra un total di 26 caso nobo di Covid-19, di cual 5 ta no-residente. E cantidad total di testnan ehecuta ayera n'e diferente localidnan na Aruba, ta 844 test. 'Positivity rate' entre nos residentenan ta 19%.

Casonan activo p'ayera ta 516, cantidad di fayecido relaciona cu Covid-19 ta 92

Hospital ta informa cu tin un total di 43 persona interna di cual 18 ta den Cuido Intensivo y 25 riba unidad general di Covid.

Parlamentario Shailiny Tromp-Lee (MEP):

Apesar di pandemia, apesar di crisis financiero, e ser humano central ta keda poni central

CU ImSan ta bira un hospital ta un noticia cu nos tur tabata sperando. Ayrea 12 di april 2021 pa 3'or di atardi oficialmente ImSan a bira un hospital cu 22 kamber pa estadia di corto duracion. Un meta cu ta forma parti di MEP su programa di Gobernacion 2017-2021 'Nos Vision t'e Solucion', asina Shailiny Tromp-Lee di MEP a duna di conoce.



Semper MEP a kere den ImSan y a haci e inversionnan necesario p'e logro aki por a bira un realidad. Desde di comienso di Gabinete Wever-Croes Gobierno a pone e ser humano central y cu hechonan a bin ta demostra esaki. Vision di MEP ta dirigi riba mehora-cion di cuido, inversion den cuido y trata mas paciente posibel na Aruba mes.

Sigur cu ImSan awor a bira un hospital ta un logro historico pa cuido medico na Aruba. Awor pariba di brug tambe tin su hospital.

Si no tabata p'e pandemia y e exigencianan di Hulanda relaciona cu e fian-sanan necesario pa por mantene cabes di nos pais riba awa, hopi mas por a keda logra.

Gobierno a inverti ya caba 62 mion florin den e Centro di Radioterapia cu

total lo crea 100 cupo di trabou y 1 mion di florin den e 22 camanan aki riba menciona cu ta crea 11 cupo di trabou.

Un pabien na Staff y personal di Im-San, na Gabinete Wever-Croes principalmente Minister Dangui Oduber, cu hunto a traha duro p'esaki por a bira posibel. Sigur nos tur mester ta hopi orguyoso pa wak ImSan crece y asina tambe fortalece cuido y brinda un segundo pilar pa cuido di salud aki na Aruba y pa nos hendenan di pariba di brug.

MEP ta convenci cu di e manera aki tambe nos ta fomenta desaroyo na San Nicolas y poco poco nos por cuminsa tambe atrae turismo di salud pa Aruba. Un posibel pilar economico cu por trece desaroyo real pa San Nicolas, Shailiny Tromp-Lee a conclui.

Ronde van Aruba a keda cancela

E evento anual, conoci como Ronde van Aruba a keda cancela a consecuencia di coronavirus. E evento aki semper ta wordo organisa dor di colaboracion di Mariniers Kazerne Savaneta. E evento tabata planea pa tuma lugar na luna di mei awor.

E cancelacion a tuma lugar riba peticion di autoridadnan di Aruba. E situacion actual di Covid-19 no ta apto pa Ronde van Aruba tuma lugar y menos ainda pa wordo organisa. Fecha nobo cu Ronde van Aruba lo por tuma lugar ta dia 3 di december 2021, dependiendo di e situacion di Covid. Tur inscripcion ta keda vigente pa dia 3 di december.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT

LOCATED AT BUCUTI & TARA BEACH RESORT

RESERVATIONS REQUIRED

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

\$24.50

SERVICE CHARGE INCLUDED

P'e Estadonan Insular Chikito den Desaroyo e caminda pa desaroyo sostenibel mester conecta maneho economico y social cu oceano



Metodologia y conocimiento nobo relaciona cu desaroyo y sostenibilidad di oceano publica den “Nature Sustainability”. Futuro di desaroyo sostenibel den e Estadonan Insular Chikito den Desaroyo (EICD - SIDS) ta depende di mas cu solamente maneho di medioambiente.

Segun un estudio nobo riba e metanan economico y social ta sumamente importante pa stimula desaroyo sostenibel di oceano den e Estadonan Insular Chikito den Desaroyo pa por logra e Metanan di Desaroyo Sostenibel (MDS –SDG) di Nacionnan Uni.

Un articulo (<https://rdcu.be/chtQP>) publica dia 25 di maart 2021 den *Nature Sustainability* ta propone un structura nobo p’e Gobiernonan y agencianan di EICD – SIDS pa atende cu e Metanan di Desaroyo Sostenibel (MDS), basa riba un analisis particular cu ta un co-produccion di un team di investigador y Gobierno di Aruba.

Titulo di e articulo ta: “*Aiding ocean development planning with SDG relationships in Small Island Developing States*”, na Papiamento “*Yudansa pa planificacion di desaroyo di oceano cu relacionnan di MDS na e Estadonan Insular Chikito den Desaroyo*”.

Maske a visualisatie MDS-nan como relaciona cu otro ora a establece nan, tin bastante inseguridad ainda tocante con nan ta relaciona cu otro, p’ese planeamento con mester diseña y implementa maneho pa logra e metanan aki ta exige un sistema gubernamental cu por guia e cobeneficianan y mitiga e diferencianan entre e MDS-nan. E investigacion ta uza e relacionnan entre e MDS-nan pa informa e structura cooperativo institucional pa aumenta e probabilidad cu ta logra e metanan di MDS, mientras ta reduci e probabilidad pa haya resultado desalineado y contraproducente.

“Manera nos ta compronde, esaki t’e prome investigacion cu ta vincula analisis di e relacionnan entre e MDS-nan cu structura gubernamental cu ta relevante nacionalmente,” ta palabranan di autor principal dr. Gerald Singh, sub-director científico di Nippon Foundation Ocean Nexus Center.

E articulo ta duna diferente idea y un metodologia pa implementa e proceso di planificacion p’e Estadonan Insular Chikito den Desaroyo por alinia strategicamente e prioridadnan politico pa logra e MDS-nan, incluso lo siguiente:

- Turismo sostenibel ta contribui directamente na mayoria di e cobeneficianan di tur e MDS-nan na Aruba, pero turismo ta depende di reduccion di contaminacion/polucion marino.
- Sostenibilidad di oceano di e Estadonan Insular Chikito ta rekeri no solamente cambio di maneho economico y infrastructural, sino tambe cooperacion/asociacion internacional pa reduccion importante di cambio global manera impacto climatologico.
- Pa por probecha di e cobeneficianan di MDS pa promove desaroyo sostenibel di oceano, e agencianan social y economico mester hunga un papel critico, tin biaha mas cu e agencianan medioambiental.

“E tipo di estudio aki ta yuda Aruba cu su planificacion di desaroyo sostenibel. Como un estado grandi oceanico (Large Ocean State) Aruba ta depende na escala grandi di su economia di lama y ta trata di aumenta e beneficianan economico na un manera sostenibel. Manera ta indica den Aruba su Plan Strategico Nacional, Aruba lo uza e oceanonan y e propiedadnan natural di costa segun e *Blue Economic Principle* (e *Principio Economico Blauw*) di desaroyo sostenibel.

E investigacion tabata financia principalmente pa UNESCO. E otro autornan ta dr. Marck Oduber di Comision Nacional di UNESCO Aruba, dr. Andrés Cisneros-Montemayor di the Nippon Foundation Ocean Nexus Center y dr. Jorge Ridderstaat di University of Central Florida.

Comision Nacional di UNESCO kier a gradici sr. Marck Oduber kende tabata organisador di e workshop aki y tambe un di e autornan di e publicacion den e revista renombra *Nature Sustainability*.

Parlamentario Arthur Dowers

Integridad a bira co'i hunga pa Evelyn Wever Croes

“COMO politico di basta aña di experiencia, mi persona a mira hopi triki politico di hendenan cu ta kere cu nan por hunga cu pensamento y sentimento di un pueblo.

Un di e trikinan aki hopi conoci di e politico Nelson Oduber tabata: “Campaña ta un cos y goberna ta otro cos” y aki ta caminda e ex lider di MEP a purba hustifaca cu su partido ta priminti pueblo cosnan den campaña, pero ta bira haci otro cosnan den gobernacion.

Awor mi a mira den ultimo añanan, un fenomeno nobo den politica, caminda e actual lider di MEP ta boca yen di integridad, pero su persona mes a core c’un dama for di su partido den e actual periodo gobernacion.

Daphne Lejuez, kende tabata amiga di Evelyn, a haña un skop di e partido y a hasta wordo menasa, pasobra cu el a cansa di sostene e corrupcion den e Gobierno di Evelyn y a denuncia esaki. E simpel motibo cu el a habri su wowo y a spierta e pueblo riba varios corrupcion grandi cu tabata tumando lugar y kico el a haya como danki pa habri su wowo y e wowo di esnan cu no kier a mira cu e Gobierno ta corrupto, tabata un skop di Evelyn, Prome Minister y lider di MEP y e Gobierno aki.

Awor siman pasa di repente Evelyn kier gaña cu e ta baha su Gobierno pa motibo di integridad, pero realidad ta cu e falta di integridad, tabata e liña cora den maneho di Gobierno di Evelyn.

Ta kico realmente Evelyn Wever Croes kier pa pueblo kere?

Cu e ta integro? Hamas pa motibo cu el a firma un acuerdo di gobernacion c’un partido corrupto di un principio caba y awor despues di tres aña di a elogia e partner politico aki, y faltando solamente algun luna pa eleccion, ata Evelyn kier usa integridad como triki politico p’e campaña nobo. pregunta ta si e tabata bruha tur e tempo ey.

Of e kier tuma puebla haci un biaha mas. Pueblo, tur cos ta yega na su debido tempo y awe pueblo a mira kico berdaderamentabata e intencion di sinta cu corruptonan cu tabata fix famianan, pasobra e unico nan cu a beneficia di e gobernacion di ultimo tres aña y mey, tabata famia Croes di Prome Minister,” Parlamentario Arthur Dowers a declara.



PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

MEP no por sigui goberna cu un sospechoso acusa di a malversa fondo di pueblo



DURANTE su discurso di lansamento di e candidato nobo riba lista di MEP, señor Marco Berlis, lider di MEP y Prome Minsiter di nos pais, señora Evelyn Wever-Croes, a enfatisa e importancia pa Partido MEP pa un biaha mas conta cu e sosten di nos pueblo den e proximo gobernacion y a splica e motibo pa cua a entrega retiro di Gobierno luna pasa.

Dia 30 di maart Gobierno a entrega retiro debi cu Ministerio Publico a acusa un di e lidernan di coalicion, señor Allan Howell di Partido POR, di malversacion di fondo publico. Pa un Gobierno cu ta carga integridad halto riba agenda, esaki ta algo cu a sacudi Gobierno y Partido MEP en general.

Prome Minister, despues di delibera internamente, y delibera cu señor Howell, el a dicidi cu e ta keda Parlamentario maske cu e ta un sospechoso acusa di a malversa fondo di pueblo, a dicidi cu no por sigui goberna. Gobierno no por wordo sosteni pa un miembro cu ta un sospechoso.

“Como persona mi conoce y mi ta aprecia su cooperacion, mi ta desea e y su famia forsa. Pero como gobernante, ami cu SI ta kere den integridad, no por sigui wanta na un posicion di Prome Minister, atachando e integridad di Parlamento y coalicion”, lider di MEP a duna di conoce.

Lider di MEP a trece e aclaracion aki dilanti den e ocasion na lansamento di candidato nobo, pasobra ainda tin persona cu no ta compronde realmente e motibo, y tin otro cu ta bruha tera.

“E motibo cu nos a entrega retiro ta simple: Nos no kier sigui goberna cu un sospechoso. E ta dañá tur e imagen y bon number di Gobierno. Integridad ta algo cu bo tin of bo no tin. Awor nos ta wak padilanti. Eleccion ta dia 25 juni.

MEP tin un lista fuerte caba, no tin necesidad awor pa hopi cambio. Candidatonan cu a sa di profila nan mes, y den tur humildad mi ta bisa esaki: Nos a demostra cu nos por goberna e pais aki den temponan difícil, y den temponan extremadamente difícil manera e pandemia mundial”, lider di MEP a enfatisa.

Pais Aruba awor ta para dilanti un decision grandi pa scoge su siguiente Gobierno. Partido MEP a demostra ta con tin cu goberna den tempo difícil y den tempo di pandemia. Cu sosten di pueblo di Aruba, Partido MEP lo sigui traha na bienestar di nos pueblo den e proximo gobernacion. Cu bo nos ta avansa. Cu bo voto, nos ta avansa.

OFFICE SPACE AVAILABLE FOR RENT

A quiet, lovely location on Margrietstraat
Suitable for any Business.

Interested?

Please Call 5831400 for viewing

Parlamentario Benny Sevinger

MEP a kita miyones for di pueblo cu medida y awor ta laga pueblo sin remedi



E grito populista di lider di MEP cu e hende ta central pa su Gobierno, a para bira cu ‘famia y amigonan ta prome y pueblo NUNCA’ ya cu e unico herencia cu Gobierno a laga pueblo cune despues di a baha, ta un pueblo cu cartera bashi y awor tambe sin remedi.

Evelyn kende tin e apodo di ‘1 April’ pa motibo di a gaña pueblo asina hopi bes, a duna honor na su apodo siman pasa, ora cu net riba e fecha aki, pueblo a wordo sorprendi pa un di e medidanan mas cruel cu cualkier Gobierno por a tuma contra un pueblo, esta di practicamente laga pueblo sin remedi pa haya.

Esey ta regalo di despedida di Evelyn Wever Croes ora cu e lista nobo di AZV a drenta na vigor como parti di e plan criminal di su Gobierno, pa sigura Hulanda cu su Gobierno lo reduci gasto medico cu 5 milyon pa luna y 60 milyon total den un año.

Ta increibel cuanto hende ta bin dilanti y muestra cu nan a bay cu nan

receta di dokter na botica y ta bin resulta cu ta nan tin cu paga practicamente tur cos for di nan salario y si nan no tin salario debi n’e situacion di pandemia, e hendenan aki ta keda sin remedi cu tur consecuencia cu esaki ta trece cune.

Remedi pa stoma, pa tripa, pa ansiedad, pa calma nervionan y cantidad di otro remedi cu pueblo tabata ricibi pa añanan caba, Evelyn Wever Croes a dicidi di elimina ya cu el a firma un acuerdo cu Hulanda cu e lo haci esaki.

Pues nunca e hende tabata central pa partido MEP, pero si famia- y amigonan, kendenan ta sigui gosa di regalonan cu Evelyn su Gobierno a duna nan, pa sigui biba trankil te ora cu definitivamente pueblo manda e lider di MEP y henter e partido cas realmente.

No tin nada pa pueblo, despues di tres año y mey di gobernacion, solamente medida, solamente aumento di costo di bida, solamente problemanan social, mientras cu famia, amigo y sponsornan, ta sigui probecha di e bon trato cu Gobierno di MEP a duna nan.

Algun dia atras Evelyn Wever Croes a bay prensa y a pidi “dispensa” pa motibo cu e no a logra di cumpli cu tur su compromisonan, tratando di hunga rol di victima, mientras cu su Gobierno tabata e ‘grote boef’ contra pueblo. El a baha Gobierno sin duna pueblo ningun alternativa, ningun promesa y ningun future, pero ta bira pidi disculpa pa motibo cu MEP no a logra cumpli cu su compromisonan.

Hasta den e mensahe aki Evelyn ta gaña ya cu debidamente el a cumpli

cu compromisonan pa algun hende sin duda, apesar cu ta famia y amigonan, pero el a cumpli cu nan.

Oficina di Papa a den un año 1.5 milyon; Kevin Wever yiu di Evelyn a haya trabou na Aeropuerto 2850 pa luna; JeffryAnne novia di yiu homber, coordinadoe cu 5320 pa luna; Maikito Croes, primo di Evelyn culpabel di falsifica paspoort traha na RDA cu 9860 pa luna; Glenbert Croes primo di Evelyn Minister di su gabinete cu 15400 pa luna; Joally Croes, prima di Evelyn PR di Gobierno cu 8460 pa luna; Sandra Croes vocero di Gobierno cu 8460 pa luna; Endy Croes primo di Evelyn den Parlamento cu 12.560 pa luna; Juni Croes primo di Evelyn y ruman di Minister Glenbert, 9860 pa luna como consehero; Glendaline Croes prima di Evelyn y ruman di Glenbert como coordinador 9860 pa luna; Gisette Croes, prima di Evelyn y ruman di Minister Glenbert 9860 pa luna; Grace Koolman, mama di yiu di Rudy Croes, Secretaria di Ministerraad cu 11.173.75 pa luna; Arleen Oduber prima y consehero di Evelyn cu salario di 7305 pa luna.

Pues aki pueblo por mira cu Evelyn realmente a cumpli cu “friends and family” y sponsornan, pero pueblo ta entrega parti di salario, algun salario completo y pa completa e fracaso grandi Gobierno di MEP di Evelyn, awor pueblo ta core riesgo di perde nan bida pa falta di medicamento necesario cu pa hopi tempo nan tabata haya, pero cu Evelyn a sigura Raymond Knops cu e lo kita e remedinan aki for di pueblo, segun Benny Nisbet.

Ex Prome Minister Nelson Oduber:

Ki responsabilidad abo kier carga?



TEMPO cu e refinaria a sera na un forma abrupto na maart 1985 cu consecucionan dramático, nos Gobierno a busca UNDP (United Nations Development Program), Pannell Kerr & Forster y Hulanda a manda IMF pa bin analisa e situacion y kico por ser haci rapidamente pa 'jump start' nos economia.

Tanto UNDP y Pannell Kerr & Forster a bisa, mirando cu nos no tin material prima, e unico alternativa directo t'e Plan Sasaki cu ya tabata den ehecucion. Alabez redobla e cantidad di kambenan di hotel, pues busca solucion den turismo.

IMF logicamente a manda nos baha gastonan y tuma medidanan cu a costa nos eleccion di 22 di november 1985, pero a salba Aruba su introduccion di Status Aparte 1 januari 1986.

A bin un Gobierno na 1986 di 4 partido cu a dicidi cu ta duna 'back to back guarantee' di Gobierno, no pa redobla, pero triplifica e cantidad di kambenan di hotel, cu hopi bez hopi trahador di exterior, segun ex-Prome Minister Nel Oduber.

INDICADORNAN FINANCIERO

"Mi tin cu bisa cu desde 1986-2009 nos situacion su indicadornan financiero segun IMF, Standard & Poor y Fitch tabata basta bon. Cu tabatin riesgonan tuma pa desaroya nos economia cu a costa nos placa manera e garantianan, ta parti di locual no a bay bon.

Nos te 2009 – a pesar cu Gabinete Eman a firma na 2001 cu Hulanda cu nos no mester placa pa ayudo pa desaroyo mas - esaki nos a sobrevivi.

No obstante tur esaki nos no a pidi Hulanda desde 1986 fia nos placa y nos tabata haci hopi cos nos mes cu excepcion di e FDA, unda nos cu Hulanda ta pone placa pa cierto proyecto importante cu no ta nos 'eigen huishouden'.

MALGASTAMENTO DI PLACA

Despues di 2009 pueblo a pone un Gobierno cu den a penas 8 año a redobla nos debe, pero sin percura pa nos economia por genera suficiente placa pa paga bek.

Fuera di malgasta placa, a fia pa loco, unda Gobierno a bin cu e proyectonan PPP cu a hinca nos den 25 año cu 2 biyon florin extra na debe unda pa año nos lo keda paga na interes so mas di 300 miyon florin y cu actualmente nos debe ta na 145%.

Ningun di e proyectonan PPP aki a resulta productivo, cu otro palabra ta trece placa aden.

Na Merca mes e estadonan manera na Florida ta laga sector priva construi careteranan cu ta costa hopi placa. Asina nan por cobra 'tolgeld' ora bo ta haci uzo di e careteranan. Aki ta gratis segun bo ta kere, pero pa año so bo ta keda paga 85 miyon florin, plus interes durante 25 año largo.

KICO ABO LO HACI?

Fuera di e Mega Giga debe aki, ata un pandemia a dal e Gobierno cu a sinta na 2017 hopi duro mes financieramente. Nos economia a casi paralisa cu hopi hende sin trabao, comercio den problema y menos entrada pa Gobierno. Turismo, nos pilar economico a sufri hopi mes. No a keda nada otro cu tur e debenan y cu menos entrada di acerca Hulanda pa prestamo, unda ya nos a caba di fia e di 5 tranche pa paga salario, yuda esnan sin entrada y tambe comercio.

Mirando cu ya e debe tabata grandi y keda fia di Hulanda cu awor ta nos unico opcion, con abo lo bay mitiga e situacion? Kico abo lo haci? Abo lo kita tur e medidanan? Y di unda bo lo haya placa pa Gobierno sigui draai? Con abo lo yuda crece e economia y con cu kico?

MOMENTO DI BERDAD A YEGA

Mi ta kere e momento di berdad a yega pa caba cu engaño y manipulacion di pueblo cu ta den hopi dolor. Laga Banco Central bisa con nan ta mira e debe grandi aki, na cuanto % nos economia cu mester crece pa crece nos GDP, pero den kico fuera di e unico alternativa cu ta nos turismo?

Un cos si, si nos no practica disciplina propio, cuida otro y yuda core cu e pandemia y sigur fia di Hulanda nos lo keda cu un autonomia tur manca y lo bira un pais completamente dependiente y na merced di Hulanda. Esey bo kier?

Esaki ta un contribucion pa yuda bo pensa p'e proximo eleccion. Corda esun cu kier bay cielo mester muri prome y te awe ningun otro hende lo ta dispuesto pa muri pa bo. Tur cos bo haci tin consecuencia y un prijs pa paga pe", Nel Oduber a splica.

MEP ta carga e balornan cu e por identifica cune

Marco Berlis, candidato dinamico riba lista victorioso di MEP



MEP ta cla pa presenta e ekipo dinamico cu lo traha cu un solo meta: Aruba. Dialuna mainta partido MEP a lansa e prome candidato nobo cu lo aparece riba e lista dinamico y victorioso pa eleccion 2021.

Señor Marco Berlis su welonan tabata di Republica Dominicana. Su welo tabata un carpinte reconoci, generoso y amabel na Republica Dominicana. Sinembargo, e mester a huy di su pais, pa motibo di e Gobierno dictador di e tempo ey. Su welo a huy den un boto y bay Corsou, unda el a keda poco tempo, pa despues bin residencia na Aruba, un tera di oportunidad.

“Na Aruba mi welonan a haña nan yiunan, incluyendo e tata di Marco, sr. Braulio Berlis, mihor conoci como Chicho Berlis. Mama di Marco, a nace na Indonesia, n’e isla di Malang. Su welo di parti mi mama tabata un marinier Hulandes y su wela tabata un ama di cas Indones.

Na 1974, mayornan di Marco a dicidi di bin establece nan mes na Aruba, den e barrio di Catiri unda cu el a biba casi henter su bida. Asina dos persona, di dos continente, completamente diferente den tradicion y

cultura a encontra otro, casa cu otro y lanta un famia den e mihor lugar den Caribe y e mundo, nos pais Aruba!

Den su discurso di introduccion, Marco a conta den corto di su bida y su famia y a enfatisa e motibo pa cua el a dicidi pa subi riba e lista di Partido MEP.

“Mi ta agradecido di e herencia di mi diversidad, un parti Latino, marca cu sanger Dominicano y un parti Asiatico y Hulandes.

Mi ta agradecido cu mi por a wordo lanta y educa den un pais, cu aunke e ta chikito den tamaño, a sa di lidera e otro islanan y hasta cierto nacion den Caribe cu su inovacion, creatividad, resiliencia y compromiso cu nos turismo.

Si, mi ta orguyoso di por wordo yama un Arubiano, cu a studia y termina su estudio aki na Maria College Mavo, Colegio Arubano Havo y mi Associate Degree den Practical Ministries cu m i a finalisa na Merca & Zuid Africa. Mi tata semper a motiva nos bida for di tempran pa lanta den e disciplina di deporte. Mi mayornan a hincami y mi ruman menor Emilio, for di un edad hoben den landamento y baseball. Pa hopi aña mi a hunga futbol tambe semper pa mi barrio di Tanki Leendert, cual nos a logra di promove te den division di honor. Nunca mi no a hunga pa un otro ekipo. Na 2003 mi a casa cu mi esposa Roselyn Petrocchi. Nos tin 19 aña casa y tin dos yiu muher, Naftali y Elisha. Un di nos vocacion y pasionnan semper tabata esun spiritual y social.

N’esaki nos ta dedicando nos mes pa casi 16 aña caba di nos bida, trahando duro cu vision y cu personanan den nos comunidad.

Semper nos a yuda den e area di duna consejo, entrenamiento, coaching, restauracion, area spiritual, familiar, y formacion. E ta for di e pasion aki cu mi a cuminsa cultiva y sinti un yamado fuerte, cu tabata inspirami y atraemi pa drenta den politica.

Cuanto biaha den pasado, Aruba no a confronta cu retonan grandi? Sinembargo nos a demostra como Arubiano cu nos ta un pueblo resiliente, un pueblo determina, un pueblo trahador, un pueblo dedica, un pueblo fuerte, modelo cu lo lidera den Caribe como ehempel. E pueblo Latino ta un pueblo digno, cu ta parti importante di nos sociedad. Hopi ta hendenan studia, cu ta bin y contribui honestamente y integra na nos pais. P’esey como pais nos mester sa di responde n’e necesidadnan y transformacion di nos poblacion. Nos tin hopi Latino exitoso aki na Aruba, un pais di oportunidad.

DICON MEP?

MEP ta carga e balornan cu mi por identifica cu ne. MEP tin un lider, un Minister President Evelyn Wever-Croes cu a sa di demostra di tin un curason, curashi y determinacion increible. Su liderazgo y forsa ta un inspiracion pa nos tur. E ta un persona incansabel, cu a sa di para cu curashi y determinacion dilanti e peor crisis cu nos a yega di conoce.

Minister Presidente ta lidera cu forsa, gracia y exelencia. Mi ta gradici Minister President Evelyn Wever Croes y henter e Partido MEP p’e oportunidad fenomenal aki. Danki Aruba pa conecta cu nos, bo voto lo haci cu nos voz lo resona un biaha mas pa un mihor Aruba!”.

Exprodesk ta invita tur negoshi pa participa n'e tayer "Business Plan 2021 for Potential Exporters"



Departamento di Asunto Economico, Comercio y Industria y su unidad Exprodesk ta invita tur entrepreneur pa participa n'e tayer "Business Plan 2021 for Potential Exporters". Si bo ta un comerciante y bo ta pensa riba e posibilidad pa exporta den futuro, esaki ta bo oportunidad pa siña traha bo "Business Plan" cu despues por wordo adapta pa bira bo "Export Business Plan".

E tayer lo cuminsa dia **16 di april 2021, 9:00- 9:45 am via Zoom** y lo ta completamente gratis.

E tayer "Business Plan 2021 for Potential Exporters" lo tuma lugar den 6 sesion y lo ta un oportunidad pa tur comerciante (mester tin negoshi existente) cu kier revisa/adapta nan "business model" dor di Covid-19, of kier djis siña traha un "Business Plan" cu despues por bira e base pa un Export Business Plan.

E tayernan lo wordo duna dor di sra. Lay Hing de Kort Yee di Cornerstone Economics y sr. Frits Israel di DOC Opleidingen & Trainingen. Pa por participa n'e tayernan aki, mester registra adelanta na: s.meijer@deaci.aw

E meta di e tayernan aki ta pa ekipa nos entrepreneurs cu e conocimiento

necesario, no solamente pa traha nan "Business Plan" sino tambe p'esnan cu lo kier exporta nan producto of servicio den futuro pa nan por organisa mihor nan actividadnan comercial y operacional dor di evalua nan recursonan, nan metanan di benta y ganashi.

E tayer "Business Plan 2021 for Potential Exporters" su 6 sesionnan lo ta riba e siguiente fechanan: april 16, 23, 30, mei 7, 14 via Zoom Online (di 9:00am pa 9:45 am) y lo termina cu un presentacion riba mei 21, 2021 via Zoom Online (di 9:00 am pa 12:00pm).

Pa mas informacion tocante e tayernan "Business Plan 2021 for Potential Exporters", con pa participa of con pa registra, por tuma contacto cu sra. Sharon Meijer via: s.meijer@deaci.aw

Tur cos ta indica cu

Pacto OM/EVELIN a keda confirma!

CU e prome detencion den caso Avestrus (investigacion contra ex Minister Benny Sevinger) nos por conclui cu e pacto cu nos a premira desde caida di Gobierno ta uno real.

Ministerio Publico cu supuestamente mester ta un instituto imparcial un bez mas ta laga su mes wordo malusa p'asina afecta eleccion 2021.

Cu e detencion di repiente despues di casi dos aña di investigacion, 75 dia prome cu eleccion, no por keda observadornan politico nada otro cu conclui cu e pacto diabolico entre OM/MEP a keda realisa. Esaki simplemente pa purba stroba AVP pa gana den un forma abrumador eleccion di 25 juni benidero.

Pregunta un bes mas ta bay den direccion di e PG nobo, esaki ta husticia? Con por ta posibel cu OM ta laga su mes wordo usa asina aki politicamente?

Diadomingo den oranan di anochi a drenta noticia di detencion di e hoben R.R den e caso Avestrus.

Siman pasa nos redaccion a publica un articulo cu a hiba como titulo: OM mester keda un instituto imparcial politicamente.

Cu Gobierno a cay 6 luna prome cu tempo pa un supuesto "redflag" di un stichting, a trece bastante duda.

Den e articulo a menciona cu ya caba OM no ta carga e respet mas den comunidad y cu tin un vergroot glas riba nan. Wel cu e paso aki di Ministerio Publico nos observadornan politico a haya rason. Tur cos ta indica cu e Pacto OM/Evelin ta uno real!

Despues di dos aña di investigacion, net den porta di eleccion bo ta bay cuminsa detene hende? Esaki ta atrobe un strategia politico y diabolico pa afecta eleccion.

Ayera un di dos persona a keda deteni, esta Jeff Franken, campañador of ex di Glenbert Croes. Por spera mas detencion pa trece claridad den e caso Avestruz pa sigui cu e caso Flamingo.

Parlamentario Arthur Dowers

Husticia no por soluciona problema crea pa inhusticia

“**TIN** un pensamento den nos comunidad, por hasta bisa un mito, cu ‘Husticia, por drecha e malo den nos sociedad y hopi ta mira Polis, Ministerio Publico, como Tata y Mama di comunidad.

E departamento grandi y importante di Ministerio di Husticia por hunga un rol preventivo limita, nan por atende violacion di ley y soluciona problemanan serio di comportacion y investiga crimen den nos pais.

Segun Arthur Dowers, su añanan di experiencia como Minister di Husticia, a siñami, cu hopi ta busca e solucion pa problemanan di mal comportacion di hende den nos comunidad, n’e caminda robes.

Den bida diario, cada institucion den un comunidad tin su tarea, por ehempel e institucion cu nos conoce como ‘famia,’ t’esun mas vital y importante pa stimula y garantiza desaroyo sano, no solamente den cas, pero tambe den un pais.

Sectornan di salud, esun social y di enseñansa, nan tur ta hunga un rol importante den e proceso pa sostene y garantiza un desaroyo sano y pa ekilibra comportacion di hobennan den nos pais.

Maneho consistente entre e departamentonan aki pa brinda sosten n’e famia, ta caminda nos ta fayando y despues ta bay bira wak den direccion di husticia pa haya e solucion.

Falta di sosten hopi biaha, ta un violacion di e derecho di mucha y ora depriva esnan mas vulnerable den nos comunidad, di derechonan fundamental, nos ta crea un base cu ta fomenta e probabilidad pa crimen y violencia den comunidad.

Polis y Ministerio Publico ta atende cu esakinan, pero Husticia, no t’e prome nan yama pa atende cu e symptoma of consecuencia di e inhusticia contra nos hobennan.



Esnan di husticia no por coregi eror di un sociedad c’un cel den prison of buki di ley, pero esaki ta un esfuerzo cu mester cuminsa na tur cas di famia, cu mas atencion pa bienestar di nos mucha y hobennan.

Den e mundo moderno di awendia, ta rekeri di mayornan pa tin mas atencion pa nan yiunan, no solamente pa cuida y percura pa nan formacion y educacion, pero tambe pa nan comportacion den sociedad, y Gobierno mester sostene y garantiza cu tur famia ta haña sosten sin previligia famia- y amigonan.

Den nos comunidad tin hopi inhusticia cometi pa nos Gobierno mes, afectando famianan en general y hobennan en particular.

Husticia tin un trabou importante pa combati criminalidad of cualkier otro caso di abuso, pero na mes momento, ta nos Gobierno pa sostene nos comunidad y pa percura pa un reparticion husto di medionan bon cuido, bon educacion y formacion di nos muchanan.

Ora Gobierno no ta cumpli cu su obligacion pa cu pueblo, e ta comete inhusticia contra su pueblo,” Parlamentario Arthur Dowers a declara.

A exige 4 aña di prison pa ilegal tira pa Guarda Costa riba boto cu 10 ilegal y 287 kilo di marihuana

Corte den Prome Instancia a trata e caso penal cu Ministerio Publico a cuminsa contra e homber Venezolano R.G., kende ta wordo acusa cu dia 6 di november 2020 a trafica 10 ilegal y tabatin 287 kilo di marihuana.

Nos por a compronde cu durante persecucion di Guarda Costa, a tira riba e boto y a herida R.G. na su pia. A pesar cu e cacho antidroga a reacciona, no a haya droga abordo.

Su siguiente dia a bay investiga riba laman y den becindario unda a tira riba e boto a bin haya 11 jerry can yena cu marihuana.

Segun R.G. e tabata riba e boto como ilegal y e capitan di e boto, nan a laga bay. El a bisa cu e no sa nada di e cargamento di droga.

Hues a mostra cu segun e relato di Guarda Costa, dia 6 november 2020, Guarda Costa bay intercepta un boto sospechoso. A duna señal pa boto para, pero no para.

E momento ey miembro di Guarda Costa a cuminsa tira riba e boto riba cual tabatin un cantidad di hende.

A herida R.G. na pia y e momento ey tambe nan a mira hende ta tira cos den laman. A resulta cu tabatin 10 hende abordo.

Ausa e cacho anti drogaya e cacho a reacciona n'e parti patras di boto. Su siguiente dia Guarda Costa a bay investiga riba laman riba e ruta di persecucion y becindario. A bin haya 11 jerry can cu tabata yena cu droga. A confisca 287 kilo di marihuana. Ta sospecha e droga ta procedente di e boto cu nan a tira riba dje pa el a para.

Personal di Guarda Costa a constata cu no tabatin suficiente salbabida abordo, na tabatin luz, no tabatin GPS y tampoco anker. A conclui cu e boto no ta sigur pa nabega cu asina hopi hende. R.G. a bisa cu el a paga 500 dolar pa bin Aruba pa busca un mihor forma di biba.

Hues a mostra cu R.G. a declara cu nan tur ta doño di e boto dor di a paga cada un 500 dolar. Segun R.G., Carlos David lo tabata esun responsabel pa cumpra e boto p'asina por use pa bin Aruba. Hues a mostra cu tin diferente persona a declara cu R.G. t'e capitan.

R.G. a bisa Hues cu despues cu el a sali for di hospital p'e 2 tironan cu el a sufri na pia, e otronan a bis'e pa tuma e culpa ya cu el a wordo tira.

El a bisa Hues cu nan a sera cabez pa tira culpa riba dje.

Hues a mostra cu na na april 2020 ya caba R.G. a wordo condena na 12 luna di prison pa algo similar di trece ilegal. El a wordo laga liber saca for di Aruba y a bolbe.

Fiscal ta haya legalmente proba cu R.G. a trafica droga y ilegal. Tin diferente persona cu a declaracion cu ta R.G. tabata e capitan di e boto.

Ora Guarda Costa a intercepta e boto, a mira hende ta tira cosnan den laman. En total 287 kilo di marihuana a keda confisca.

Na opinion di Fiscal, ta R.G. a duna orden pa tira e jerrycannan den laman. A trafica hendenan ilegal riba boto cu no ta cumpli cu exigencianan di nabegacion. No tin salba bida, no tin luz, no tin GPS riba e boto. Fiscal a bisa cu traficacion di ilegal ta mina e maneho di Gobierno. El a remarca cu apenas R.G. a sali liber di KIA pa algo similar e ta bolbe cay pa ilegalidad y droga. Fiscal a exige 4 aña di prison. Hues a sera tratamiento di e caso y a bisa cu 30 april 2021 lo tin sentencia.

Detencion a cuminsa cay den Caso Avestruz

Ayera a detene e di dos sospechoso, den persona di Jeff Franken

AYERA pueblo a lanta cu masha pregunta, despues di a tende cu Landsrecherche hunto cu RST a detene e dama Rebecca R., yiu di Leoncita Arends como sospechoso den caso Avestruz. Despues mas den dia a cuminsa circula informacion cu a detene Benny Sevinger y tambe Leoncita Arends. Ministerio Publico a desmenti e informacion aki, pero si a admiti cu un di dos sospechoso a keda deteni den persona cu Jeff Franken.

Ministerio Publico no kier admiti cu henter e proceso aki ta crea un persepcion, cu net awor cu tin otro eleccion na caminda cu ta "jaag" riba e hendenan di AVP, pa trata di perhudica AVP den proximo eleccion. Pero e pensamiento aki ta biba den comunidad. Pasobra despues di como aña di e prome entradanan hudicial, autoridad a cuminsa haci prome detencion of detencionnan. Te cu diadomingo ultimo, tur esnan cu a ser considera sospechoso, no a ser ni sikiera interroga.

E sospechoso Rebecca R. su nomber a ser menciona tambe for di un principio, pero ningun dia a keda deteni y sigur no a wordo interroga. Su envolvimento ta den terenonan comercial cu a ser bendi. Ayera den oranan di mainta personal di Landsrecherche a presenta na un cas y aki nan a detene e homber Jeff Franken. Den pasado e tabata hopi yega na e.o. e actual Minister Glenbert Croes y awe e ta un sospechoso relaciona cu bendemento di tereno den caso Avestruz.

Tur cos ta mostra cu Jeff Franken t'e persona cu lo a facilita of involvi den e tereno cu e prome sospechoso deteni di diadomingo. Den e transaccionnan ta menciona su nomber.

Ta papia cu e tereno di Rebecca R., Franken lo a facilita nan e proceso. Cu esaki tabata riba su nomber prome y a bende nan esey, pero despues a coy e tereno bende bek.

Husticia tin cu prevalence y asina tur hende sa kico ta pasando.

Recherche di San Nicolas (DAR3) a detene 1 persona pa asesinato

Enconexion cu e caso di asesinato cu a tuma lugar di 15 di januari 2021, Recherche di San Nicolas (DAR3) a detene e homber di inicialnan W.V. naci na Aruba y di 21 aña di edad.

Pa Cuerpo Policial por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion yama nos tiplijn: 11141. Nos ta garantisa cu bo ta keda anonimo.

SPA cu reunion urgente diabierna awor

Sindicato S.P.A. ta yama un speed A.L.V. pa TUR POLIS, diabierna awor, 4 december 2020, pa 10 or di mainta na Pova Club.

Unico agendapunt; O SALARIO.

Presencia di un y tur ta altamente aprecia, segun Jose Dirksz, Presidente di S.P.A.

Rumannan conoci pa Polis a bolter cu nan auto durante un persecusion



DIALUNA madrugá Polis a wordo solicita na un adres den Madiki unda un of mas persona tabata tira piedra y boter riba e cas. Habitantenan a informa Polis di un persona para pafo y cu e buscando problema.

Polisnan a yega, pero ya esnan buscando problema a bandona e sitio. Tur esaki pasando durante TDQ.

Un patruya atento di Santa Cruz a spot e auto, cu ta un Kia Rio shinishi altura di Cas Casuela bayendo nort. Aki a start un persecusion.

Den e Kia Rio tabatin dos hende homber cu a resulta di ta dos ruman Boekhoudt conoci pa Polis, nan tabata bayendo Santa Cruz unda nan ta biba. Esaki tabata e mesun personanan cu a bay busca problema den Madiki.

Durante e persecusion nan a sigui riba e caminda di Tanki Leendert bay pariba, na rotonde di Paradera nan a bay nort direccion Babijn. Dado momento riba e caminda aki nan a paga e luz di e vehiculo y siguiendo cu velocidad halto direccion Sero Crystal.

Loke e dos rumannan no a tene cuenta cu ne tabata e bocht entre Sero Crystal cu Koeriboeri.

Ey nan a perde control y bolter cu e auto.

Y di e manera aki Polisnan a sa di arestanan. Ningun di dos a sufri daño personal. Pero habitantenan si a pasa den un susto grandi dor di e zonido fuerte. Polisnan a pone ambos riba suela wardando transportwagen.

Ora cu transportwagen a yega a pone un prome den e van, mientras e otro ruman si Polis mester a trata cu ne mas fuerte debi cu e no tabata coopera momento cu nan a bay hinke den e van. Takelwagen a wordo solicita pa a bolter e auto y hiba Warda di Polis.



GRADICIMIENTO

Pa medio di esakifamia kier a gradici tur cu na un manera of otro a dunanososten, consuelo y forza durante e tempo cortico y hopidificil di enfermedad, fayecimento y entierro di nosdefuntostima



Roberto "Betty" Croes

29 di april 1938 – 6 di april 2021

Un danki special ta bai pa dr. Kenneth Croes pa e tremendotrato. Tambe undanki di curazonna tur famia y conocirnan cu a pone nos tata den nan oracionnan, specialmentesra. Gloria Croes cu a compañosos tata stimate final.

Bosomuestra di atencion y cariño lo kedagraba den noscurazon y tawata di gran consuelo pa nos.

Alaveznos ta invita pa 3 Santo Sacrificio di misa:
Diaranson 14 di april 2021,
Diabierna 17 di april 2021,
Y diamars 20 di april 2021
Pa 7or di anochinamisalInmaculata Concepcion na Sta. Cruz.

Di curazon, mashadanki!
FamiaCroes, Kock, Paula y Odor.



Gradimento / Invitacion

Cu hopi gratitud den nos curason, nos kier a gradici tur hende cu di un of otro manera a muestra sosten, aprecio, cariño y atencion durante bida, fayecimento y despedida di:



Francisco Vries

Miho conoci como "Esy"

Gradimento special ta bay na tur cu a yama, manda mensahe via medio social y carhi, masha danki pa e ayudo, sosten y palabranan di consuelo.

Un danki special na staff y personal di Giselle Department Store, su amigonan di cas cu ta hopi pa menciona, pero specialmente Beto Lacle cu semper tawata tey pe, Juan Kelly cu semper a trece pisca pe.

Gradimento tambe pa personal di Cas di Machi cu a dune cariño y sosten durante su enfermedad.


Alabes nos ta invita pa 3 Santo sacrificio di misa
Diamars 13 di April 2021 pa 5:30 di atardi na Kapel di Alto Vista
Diabierna 16 di April 2021 pa 6:30 di atardi na Misa Santa Anna na Noord
Diasabra 17 di April 2021 pa 7'or di aochi na Misa Santa Anna na Noord
Bo(so) presencia lo ta altamente aprecia

Rest In Peace



"Den Señor mi por poneconfiansa. Dios, wardami, mi ta busca refugio cerca bo: Mi ta bisa Señor: 'Bo ta mi Señor, mi felicidad'. No tin nada riba Bo!
Salmo 16: 1

Cu un curasonkibra, pero agradecido na tur locualelanifica nos, nos ta anuncia fayecimento di nos kerido
Esposo, Tata, Welo, Ruman, Omo



Joseph Cornelius Ludwig Burleson

Miho conocicomoLuty, Scapin, Keef, Lodewijk, Ludewicus
16 september 1941 - 9 april 2021

Na number di su

Esposa: Annie Burleson Zievinger

Yiunan: Ludwig Burleson y NurisFlanegin
Ludy-anne&Jor-rick
Joshua Burleson
Jahmion
Suzanne y Rafael Garcia-Burleson
Tyfanny& Rafael
CharaimaBurleson
Sunily Juri Nicolaas-Burleson
Michaela, Shekainah& Kai

Stimamanera nieta:Diane Rasmijn

Rumannan:

†Edwin Zichem y Sra. Vda. Cornelia Zichem-Bergen y famia

Sra. Vda. Olga Jacobs-Zichem y famia

Sra. Vda. Greta Jacobs-Zichem y famia

Henry Burleson y famia

Theodorus (Theo) Burleson y famia

Antoinette (Netty) Burleson y famia

†Edgar (Robby) Burleson y Sra. Vda. Gina Burleson y yiu

†Imelda Burleson

Manera ruman: Sonia Stuit-Paula

†August (Poppy) Reyes y Sra. Vda. Marla Reyes-Rodriguez y famia

Omo: AntonBurleson y famia (Boneiro)

Swa y Cuñanan: †Imelda (Ita) Lacle-Zievinger y Vdo.

Alberto Betois" Lacle

Maria (olga) y CalinLacle-Zievinger

†Miguel Zievinger y Sra. Vda. MarloryZievinger-Medina

†Luis y †Winifrida Zievinger-Ridderstaat

Bertrando Zievinger

Carmen y Cesar Tromp-Zievinger

Pedro y Magaly Zievinger-Semeleer

Edmundo (Jossy) Zievinger

Iha: Myloushka Wernet Burleson y famia

Su ayudantenacas: Pascualita (Ita) Ridderstaat

Subrino y subrinanan, primo y primanan, demasfamia y conocirnan:

Burleson, Zievinger, Garcia, Nicolaas, Flanegin, Zichem, Jacobs, Lacle, Orman, Tromp, Ridderstaat, Young, Ng, Semeleer, Reyes, Stuit, van Ommeren, Bergen, Helder, Huigen, Kock, Werleman, Linzey, Dirks, Dirks, Bechir, Perrotte, Hughes, Paula, Becker, Komproe, Kelly, de Nobrega, Staring, van derWerff, Voskamp, Albus, Petrona, Marchena, bisiñanan, amigonan di Aruba Jrs., Marlboro Baseball Club, Montaña Softball Club, amigonan di "Flor di Oriente" y ex coleganan di LandsradioDienst (Setar).
Disculpa nos, si den nos tristeza nos por a lubida un ofmasnombroffam di famia.

Acto di condolencia y despedida lo tuma lugar diabierna, 16 di april 2021 na Aurora Funeral Home di 9.00– 11.00am. Cremacion lo tuma lugar den seno familiar.

Pamotibo di e situacion actual di COVID-19, y cumpliendo cureglananstipulador di DVG, nos ta pidi pamantene distancia social, no ta duna man ni brasa pa condolencia y uso di tapaboca ta obligatorio.
Lo tin un box dispobielpa Wilhelmina Kankerfonds.
Nos ta lamenta cudespués di entierro nos no por ricibibishitanacas.



"Mi alma ta glorificaSeñor y mi spirito ta gozacerca Dios mi Salvador. Peseilaga tur locual ta spera mi ta bunita. Laga tur locualrondona mi ta bunita. Laga tur locual mi lagaatraskedabunita y lagaesakinan termina den tur bunitesa."

Salmo 103:1

Mi alma, alabá SEÑOR, tur loke tin den mi, alabásu santu nòmber!

Cu imenso dolor den noscurasonnos ta anuncia
Fayecimento di nos ser stima:



Sra Enite Joseph-Flezin

*14 di juni 1955 - †28 di maart 2021

Na number di su

Mama Y Tata: +Louisna Pierre + &Vertilus La Fleur+

Esposo: Jacques (Sonel) Joseph

Yiu: Jesulome (Sonny) Joseph

Yiu di criansa: Wesley Joseph

Iha /o nan: Pouchon Milrose

Thaina Georges

NehemieCius

Marie Cius

Ebenson Cius

Ruman Nan: Fleurina Flezin

Romene Flezin

Anorl Flezin +

Oslene Flezin +

Rico Flezin +

Vertilien Lafleur+

Prima/o nan: Lexilia Pierre, Gracieuse Pierre, Rosiane

Pierre, Marie michel Pierre, Paolo Pierre, Jacqueline Pierre,

Belibrunne Paris, Anna Sainsy

Subrina/o nan:Mimose Lafleur, Samuel Wigenes

Marie Ange Jean Bernard, Jean Michel Brice,

Thelusma Brice

Andy Paris, Ryvaldo Paris, Michael Charles, Luckenson Thomas,

Keniel Thomas

Yiu Nan di Curason: Ferry Daudier, Niouwelton Charles, Jeft

Desir, Fanio

Jean, Clauter Chisme, Clyvenson Grandin, Ervan Viltus, Aaron

Mondesir, Alexander Paredes, Mauricio Alvarez, Mackenly Louis

Jeune.

Na Su Amiga/o nan: Mimose Mote, Roseline Emile, Jo Y su Casa,

Mona, Lidi, Altide

Na demasFamia: Alexandre, Brice, Lafleur, Fleurissaint, Pierre,

Flezin, Milrose, Saintulus, Saintil, Cius, Charles,Thanis, Lamontagne, Mera

Na su Pastor: Jean Dieufort Dorismond Y Casa y e misahenter cu a pasa den e momento nan dificilaki.

Kier ainventa tur amigo, bisiña y conocir pa asistina e acto di

entierro&condolenciaal lo tumalugardialuna 12 april 2021 di

7or pa 9or di anochina Aurora funeral home.

Entierro lo tumalugardiamars 13 april 2021 den Aurora Funeral Home di 3

or pa 4 or 45 di atardi.Despuéslo salipa SabanaBasora.

Disculpanossi den nostristes, nos por a lubidaalgunfamia of conoci.

Pa motibo di e situacion actual di COVID-19 y cumpliendo cu

reglananstipulador di DVG, nos ta pidi pa mantenedistancia

social, no ta duna man pa condolencia y entierro&uzo di tapa

boca ta obligatorio.

Kontrabandista di droga a manda dos mula bai dal nan kurpa na Hulanda



Recorda mi den boso oracion
Mi no tey mas pero mi cariño no a muri
Lo mi stima boso den shelo manera mi a stima boso riba mundo

A bai sosega den brasa di Señor,
Mi yiu, nos ruman y nos omo :



Hubert Martinus Kock

Naci : 9 Oktober 1957
Fayece : 1 April 2021

Na nomber di su:

Mama sra viuda: Denisia Kock-Dijkhoff
Tata: †Mario Kock

Rumannan: Marjorie, Tinchí y yiu
Charmila, Silvio y yiu
Maickel, Lourdes y yiu
Swinda, Juancho y yiu
Griselda, †Hubert y yiu
†Vinchi, Shahaira y yiu

Sobrino(a)nan: Joanne, Jeffrey y famia
Dianne, Rachied y famia
Myron, Wendi y famia
Yeesan, Aron y famia
Yeemei, Ivannuar y famia
Geomar, Farrah y famia
Geraldine Nadall
Loumaishka, Neo y famia
Jamison y Roxany
Ryan, Ramzina y famia
Kaydee, Shawnee y famia
Gilbert, Leslie y famia
Ghislaine, Clayton y famia
Yeelam y Elijah
Giliene, Juni y famia
Davina, Jorge y famia
Urvín, Valeria y famia

Su omo, omo grandi, tanta grandi, prima y primo(nan)

Su miho amigo: Gregory Erasmus y famia

Su ayudante te na ultimo momento : Shawnee Paesch

Demas famia : Kock, Dijkhoff, Vrolijk, Nadall, Felician, Arcaya, Bregita, Maduro, Semeleer, Habibe, Landaeta, Roos, Croes, Hernandez, Paesch, Moreno, Tam, Gomes, Faro, Sabino, Vera, Webb, v/d Biezen y Rasmijn.


Ta invita tur famia, amigo, bisiña y conocirnan pa e acto di entierro cu lo tuma lugar diamars 13 di April 2021 for di 2or pa 4or na misa Sta. Filomena na Paradera, sigui despues pa santana Pastoor Kranwinkel na Paradera.

Pa motibo di e situacion actual di Covid-19 y reglanan stipula pa DVG, nos ta pidi pa mantene distancia social, No brasa, No sunchi tampoco duna man. Despues di entierro no ta ricibi bishita di condolencia na cas. ricibi bishita di condolencia na cas.



Lo E seka tur lágrima for di nan wowo, morto lo no eksistí mas, lo no tin nada di rou, nada di yoramento, nada di dolor mas, pasobra tur kos di antes a pasa bai.
Revelashon 21:4

A fayece cristianamente



Mathilda Augustina Croes,

mihor conoci como "Ina".
*14 maart 1953 - † 08 april 2021

Na nomber di su:

Compañero: Harold De Mey

Yiunan: Ursuline Jahaira Lopez y Michel Franken y yiu
Marisol Inaida De Mey y Johel Montero y yiu

Nieta y Nietonan stima: Xenon- K'naan- Jay-qion- Joheily

Ruman nan: Elsa y Oscar Wester- Croes y yiu
Marcial y Vilma Croes- Dubero y yiu
Yolanda y None Wernet- Croes y yiu
Marlon (Ronnie) y Marlijn Croes- Kock y yiu
Edwin Croes

Sobrino y sobrina nan, tantanan, primo y primanan, ihanan, cuña y swanan, amiganan, bisiñanan, ex coleganan di Renaissance Hotel y Aruba Beach Club Hotel

Suegra: Maria De Mey y famia

Ayudante: Elianis (Jani) Riviere

Demas famia: Croes- Lopez- De Mey- Wester- Wernet- Dubero- Kock- Franken- Montero- Thiel- Richardson- Rosel- Dirksz- Tromp- Geerman- v/der Linden- Werleman- Koolman- Hassell- Boekhoudt- Dijkhoff.

Tata di Ursuline: Lino Lopez

Disculpa nos, si den nos tristeza nos por a lubida un of mas nomber of fam di famia.

Acto di condolencia y despedida lo tuma lugar diamars 13 di april 2021 na Aurora Funeral Home di 9:00am pa 11:00am. Cremacion ta tuma lugar den seno familiar.

Pa motibo di e situacion actual di COVID-19 y cumpliendo cu reglanan stipula door di DVG, nos ta pidi pa mantene distancia social, no ta duna man ni brasa pa condolencia y uzo di tapaboca ta obligatorio.

Lo tin un box disponibel pa Wilhelmina Kankerfonds.

Nos ta lamenta cu despues di entierro nos no por ricibi bishita di condolencia na cas.



WILLEMSTAD - Dos siman pasá un tribunal na Noord Holland a kondená un Curasoleño ku a 'rondel' (kontratá) dos mula pa hiba kokaina ku heroína pe Hulanda, mientras ku e mes tabata biahando di dèk den mesun avion pa Hulanda pa tira bista riba e mulanan.

Na final e operashon no a bai manera el a planiá, pasobra e mulanan a kai na Amsterdam i a bash'bou riba e trafikante kende dilanti Hues a tende Fiskal demandá un kastigu di 16 luna di prizon ku Hues a honra i ne momentonan aki e malvado ta sintando su kastigu den prison na Ijssel aan de Krimpen.

E duo di mula ku el paga pa bai Ulanda ku 38,7 gram di kokaina i 4 gram di heroína ku nan a plak na nan kurpa. Doño dje droga tin 45 aña i na dos okashon aña pasá ela manda e mulanan Hulanda kaminda ora nan a yega ela dirigi nan direktamente pa Tilburg kaminda polis a pone trampa pa nan i a aestá tur tres ku droga ku tur. Korte tabata sa eksaktamente kon i ki dia e trafikante a bin Kòrsou pa kontratá e mulanan esta na september di aña pasá.

Dilanti Hues a trafikante a konta Hues un cuenta di hada ku estando na Kòrsou el a fia un hende su telefon ku ta kaba ku number 4742, pero no por a bisa na ken ela fia e telefon. Pa kolmo e portador a saka foto dje daga ku e telefon.

Ora nan a yega Hulanda, nan a keda den mesun kamber di hotel na Tilburg, pero loke a kaba di dañu su kaso ta ku den promé insansia ela ninga di papia i ta finalmente a disidi di gaña.

El a gaña ku ora nan a yega Hulanda el a duna un persona un kabei di boto i ku te persona aki a laga e drenta den su outo. Ta promé biaha ku e ta menshoná un tercer persona.

Ademas Polis a haña e droga den paña dje trafikante, pero loke Hues a tuma e trafikante masha na malu ta ku el a uza hende pe no kore risiko.

I e no por bisa ku ta droga pa uso propio pasobra e kantidat ta muchu grandi. E trafikante a yega di mee ku droga na 2015 pero a haña kastigu di trabou fòrsá. Por lo tantu 15 aña tabata sentensia dje tribunal.

Den un kaso di herensia na Saba.....

Abogado a pone beslag riba parti di benta di kas



Laga tur loketaspera mi tabunita.
Laga tur locualcu mi encontranacaminatabunita.
Laga tur locualcu mi lagaatraskedabunita y
Lagaesakinan termina den buniteza.
"Cado Wever"

Cu profundo tristeza pero conforme cuboluntad di Dios,
nos ta anuncia fayecimento di:



VuidaSra. Agustina Abigael Oduber- Harms
Mihorconoci como "Gala"
*28-08-1939 - †07-04-2021
Esposo:†Eric Oduber

Na number di su:
Yiunan:
Garrick Oduber
Edric Oduber y MarieanneHsing

Nieto stima: Shawndrick Oduber
Nietastima:Marilee Oduber

Rumannan:
†Elvira y DolfiPonsonHarms
Mina y Sony Harms Harms
Eda y Nel WeverHarms
Jacobo "Boei" y Antonia HarmsVecerra
†Mario "Chenco" y Aida HarmsBoekhouth
†Aureliana "Chichita"
Mato y Marina HarmsStamper

Carmen y Roy SimonHarms
John Harms y IshaRodriguez
Laila y JohnnyLacleHarms
†Mariano Harms

Swa y Cuñanan:
Rolando y Jeanette HarmsGeerman
Sita Geerman
†Donny y Diana Oduber Wever
Oscar y Gloria Oduber
Gerald y Pittis Oduber
Alix y †Antonio Nucete
Glenda y Johny Chemaly
†Dennis y Vera Oduber Kock
Michael y Luz Dary Oduber
Esline y Ernie Hilgers

Manera ruman: Lourdes Dijkhoff

Subrina y Subrinonan:
Virginia, Rosa, Daniel, Mirla, Angeline, Junior, Sherline, Soraya, Tony,Lies,
Jacqueline, Susan, Sharine, Michael, Marlene, Evelyn, Maureen, Jerusha,
Jochmar, Rody, Letty, Mariela, Marusca, Janine, Mireya, Gisela, Ewald,
Oswald, Joanaila, Yndhira, Kenny,
Ihanan: Jacqueline, Mariela y Lies
Prima y Primonan, Comer y Compennan, Bisiñanan.

Amistadnan di cas:
IvanDijkhoff y Famia, Maria Fawcett Caster y Famia, Maria Camargo,
Consuelo Amaya, FamiaPerez

Famia: Oduber, Harms, Hsing, Wever, Ras, Lacle, Oduber, Vecerra, Simon,
Rodriguez, Ponson, Boekhouth, Stamper, Carolina, Moreno, Croes,
Winterdaal, Scharbaay, Leertouwer, Sneek, Geerman, Tromp, Roos,
Nucete, Chemaly, Hilgers, Wever y demas famia y conocinan.

Disculpa nos si den nos tristesa nos por a lubida un of otro familiar den
nos momento di tristeza.

Acto di condolencia lo tuma lugarna Aurora funeral home diamars 13 di
april 6or pa 8or di anochi.

Acto di entierio lo tuma lugar na misa Santa Filomena na Paradera
dianan 14 di april 2or pa 4or di atardisiguipa un respons y lo termina
na Santana Catolica Paradera.
Pamotibo di e situacion actual di Covid-19 y cumpliendo cureglanan-
stipulador di DVG: tapabocatakeda obligatorio, mester haci uso di
handsanitizerna entrada, mester mantene distancia social, no ta permiti
patinaglomeracion, no tapemitip duna man, ni brasa ofsunchi. por
favor coopera cu e regalan stipula.

Enbez di flor ofkrans lo tin un box disponibelpaFoundation Diabetes
Aruba of por haci un online transfer nanan cuenta na RBC
7700000031312383, nanombero di nos defunto Stima Gala, di antemano-
mashadanki.

WILLEMSTAD - Diabierne awor Korte di Hustisia Komun na Kòrsou lo trata un kaso kaminda repartishon di produkto di benta di un kas na Saba ta sentral. Saba no a un isla ku problemanan sosial, ekonomiko i politiko manera na Kòrsou i Aruba, pero nan ta firmemente pará ku ambos pia den siglo 21 ku tur su kolornan di kabes di un munisipio chikitu i moderno.

Esei a keda manifestá e dianan aki na momento ku tin kulminashon di un pleitu huridiko entre abogado den un kaso di repartishon di herensia i e herederonan ku no ke paga e abogado i esaki a pone beslag riba e parti ku e ta konsiderá ta toka su persona ora e momento yega ku ke futuro kumpradó pone plaka riba mesa.

Un bon kas na Saba ta karu: Foto dje kas ku ta kompañá e relato aki ta na venta pa 1.5 mion dòler riba merkado internashonal. I kasnan ku na Kòrsou lo a bende pa un suma na florin, ta bende pe mesun suma pero na dòlar!

Ta ayera mainta Korte di Hustisia Komun a publiká den ki fase e litigio legal entre e abogado ku tabata atendé e herensia pa e tata difuntu a keda pa purba di kulmina e problema legal dia 23 proksimo den Korte aki na Korsou.

E kaso tin di haber tambe ku reglanan di komportashon pa abogadonan na Islariba kaminda aparentemente sa apliká e regla di kustumber ta bira lei.

Originalmente e abogado ku tabata atendé e kaso p'e persona ku a muri i laga e kas komo herensia tabata abogado mr. Moeniralam, kende mientras tantu tambe a bin fayecé despues di un karera impresonante komo abogado den nos pais.

Pero esei ta otro detaye

Partidonan den e kaso di herensia ta herederonan dje difuntu kendenan tin abogado mr. R.E. Duncan komo nan representante den Korte.

Inisialmente tres heredero a presentá den e kaso, pero un di nan a muri i su 3 yiunan a tuma e kaso over.

Korte mester disidi awor ken tin rason den e diskushon ken tin ku haña kuantu porsentahe dje herensia ora bende e kaso.

Apoderado dje difuntu tabatin un areglo ku un dje rumannan ku e lo kobra 20% dje preis pa kual lo bende e kas plus otro 20% di e alkiler ku e kas lo produci.

E areglo aki lo kuminsa kore ku forsa retroaktivo for di 15 aña pasá pa su trabou di laga hasi e kas liber di inkilino, gastunan ku el a hasi i lo a hasi den futuro na benefisio dje herederonan i repartishon dje suma di venta.

E apoderado tabatin akuerdo ku tres dje herederonan, kendenan no tabatin moda di

paga e apoderado kende na kaminda a topa piedra riba su kaminda pasobra varios dje herederonan a haña ku e ta bai benefisia demasiado i kier sali for di e areglo.

Pero aparte di poko pago insidental na 2008, 2012 i 2013 i komo NAF 12.500,- kèsh e no a haña mas pago i ta p'esei ela pone beslag riba e kas.

Korte a laga kita e beslag, pasobra no a konvensé Korte ku esnan ku a firma e akuerdo ku e apoderado, a papia pa tur heredero.

INDESEABEL I INASEPTABEL

Den un komentario pendiente e veredikto final e tribunal a konsiderá ku den un sosiedat sivilisá tin sierto prinsipionan legal ku ta rechasá tipo di areglonan asina.

Na promé lugar, pasobra lei no ta pèrmiti pa abogadonan apoderá di bienes riba kual tin un proseso andando den un kaso dje teritorio ku den e kaso aki ta Saba.

E apoderado tin su bufete na Sint Maarten ku tabata forma parti di Antia meskos ku Saba, pero ta for di Antia tabata atendé kasonan pe isla chikitu of Huesnan stashoná na Sint Maarten tabata atendé e kasonan.

T'esei a pasa den e kaso aki. Ta bin aserka ku e palabrashon tabata pa haña parti dje suma ku herederonan Lake lo a kobra entre 2006 te ku 2012 lokual etikamente no ta aseptabel.

E proseduranan a kuminsa for di 15 aña pasá i bou di tur sirkunstansia tur prosedura mester sosode den un ambiente di total imparialidat i honestidat di parti di Korte di Hustisia.

Mester evita kalke duda ku tin konflikto di interes den un kaso asina ku personanan envolvi den e proseso tin sierto interes den e desishon final.

Den e kaso aki e abogado dje difuntu i pa un parti dje herederonan mester separá su interes personal estriktamente for di su komportashon profeshonal i no ta permiti pa e abogado tin interes finansiero den e prosedura.

Regla ta ku ta paga un abogado pa su serviso a base di oranan ku ela traha pero no por ta asina ku e ta tuma un vorskot finansiero komo garantia pa su pago.

Den e kaso aki e garantianan ei no tei. Si e kaso kaba bou dje kondishonnan ku e abogado a regla ku algun heredero e lo a kobra 35.000 dòler i esei lo a inaseptabel.

Ta kasi-kasi manera t'e abogado lo a heredá tur kos i loke sobra e ta parti ku e herederonan. Korte a deklará ku e palabason ta nulo i no valido, pero ku otro siman ta bai diskuti kiko e abogado por kobra pa su trabou ku ela bin ta hasi tur e añanan ku a pasa i pa kual no a pag'e manera debe ser.

Direktor di Aeropuerto na Sint Maarten a haña retiro inmediato

PHILIPSBURG - Siman pasá Gobier-
nu di Sint Maarten komo doño di Aero-
puerto dje isla a duna e kontroversial
Direktor Brian Mingo retiro ku dos
luna di plaka ku òrdu pa bai kas me-
sora.

E desishon aki tabatin un preludio
den forma ku aña pasá e personal di
Aeropuerto a tene un manifestashon
pa eksigi su retiro lokual a sosode dja-
rason ultimo.

El a haña retiro, pasobra e hunga di
komisario i akshonista a haña ku Min-
go no a kumpli ku su debenan i oun-
ke ofisialmente su retiro ta drenta na
vigor dia 6 di yuni, el a haña òrdu pa
bai kas mesora.

Gobiernu no a indiká ken lo remplasá
Mingo te dia nombra un direktor nobo.
Brian Mingo mes no kier a komentá su
retiro i e direktor interino Dexter Don-
cher ta silensioso manera un tumba.



Hopi torpe.....

Pone 'fever' ku droga i arma den outo ku polis a para

WILLEMSTAD - Djadumingu 11 di aprel 2021 alrededor
di 12.25'or, un unidat polisial a tuma nota di shofùr di un
vehíkulo ku tabata pone "fever" den Montaña Abou.

E unidat a duna e shofùr òrdu pa para, pero esaki a sigui kore
i bai stashoná e vehíkulo den kurá di un kas den Kaya Berom,
pa despues baha bai paden.

Mesora e unidat a pidi refuerso i a rondoná e bibienda aki. E
Polisnan atento a tuma nota ku djis despues e shofùr a sali di
porta di patras di e kas i mesora nan a detené.

Den un tas ku e tabatin, a bin topa kasi 1 kilo di mariwana,
9 bala skèrpi kaliber 22, 15 bala skèrpi kaliber 45 i 18 di

kaliber 38. Despues a tene un entrada hudisial n'e kas aki i a
konfiská algun planchi di mariwana i un pistol di airsoft.

Mesora a detene e hòmbler sospechoso S.C.J. nase na Kòrsou
en konekshon ku violashon di lei di arma di kandela i lei di
opio.

Durante di e entrada hudisial a detené tambe e hòmbler
sospechoso C.M.V. di 20 aña nase na Kòrsou pa e hechonan
ariba menshoná i tambe pa menasa i insulto di agentenan
polisial. A presentá ambos sospechoso dilanti di un Fiskal
ouksiliar ku a ordená nan enkarselashon pendiente di mas
investigashon.



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason,
nos ta anuncia fayecimento di nos ser stima:



Sra. Eloisa E. van Wilgen
Mihor conoci como "Luchi"
*17-09-1932 - †12-04-2021

Acto di entierio lo wordo anuncia despues



"Señor ta mi wardador, mi'n tin falta di nada
Den cunucu di yerba berde e ta ponemisosega.
E ta hibaminaawatrunkil,
Pa mi bolbehañaforsa".
Salmo: 23

Nos ta anuncia fayecimento di:



Jorgen Augustin Velasquez
*05-05-1958 - †02-04-2021

Acto di entierio lo wordo anunciadespues.

Un detencion pa violacion di ley di arma di candela

WILLEMSTAD - Diadomingo 11 di april 2021
alrededor di 18.19 or, personal di Warda di
Polis Barber cu tabata patruyando den área
di Soto, a tuma nota di un vehíkulo cu tres
hòmbler aden, di un forma sospechoso riba
e kaya den e área mencioná.

E unidat a para e vehíkulo akí pa un contròl.
Den e vehíkulo tabatin un sospechoso kende
tabata wòrdo buská relacioná cu un caso di
lòsmento di bala cometi dia 8 di april último
na un toko den área di Klein Sta. Marta.
Polis a detené e sospechoso **Q.M.F. di 19
año di edad nacé na Còrsou pa violacion di
e ley di arma di candela.**

A present'é dilanti un Fiskal auxiliar kende
a ordená su encarcelamento pendiente di
mas investigacion.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: ***"Ami Kier Abona"***

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL



EDITOR:
Bonaire Communication Services N.V.

Djaluna 12 april 2021 | Preis: \$0,60

TURBINA DI BIENTU NA PUNTA BLANKU

Hobada òf wabi tambe ku flor



Un mata ku tambe ta broma ku flor e dianan aki, ku bon mirá ta temporada di sekura, ta hobada (Boneiru i Aruba) òf wabi (Kòrsou). Wabi ta plamá rònt Boneiru, hasiendo ku sierto áreanan a bira inaksesibel. Parke Arkikok na Aruba por ehèmpel ta lucha ku plamamentu di hobada den e parke aki di naturalesa. Kabritu i para ta distribuí e simia. Pero nan ta bunita ku nan flornan rondó.



CHANTIWAWA
RIBA RÒNDU

Ménos
hende ta
tèst

Karentena
sentral i tèst
di PCR

Entidat Públiko
di Boneiru ta
lansa plan pa
rekuperashon
di turismo

SELIBON N.V. lo
ekstendé un parti
na Morotin pa
shushi di kurá i
konstrukshon

Tene nos playanan limpi



www.dabboussimotors.com

f /dabboussimotors



21 Méenos hende ta tèst

Djaluna 12 april 2021



KRALENDIJK--Méenos hende ta hasi uso di e oportunidat pa tèst pa detektá si nan ta kontagiá ku Covid-19 si òf no. Esaki debí ku por a mira kon e sitio kaminda ta tèst, tabata trankil (bashí). Momentu ku a saka e potrèt, algu promé ku 12'or di mèrdia, no tabatin niun outo. Kisas promé òf despues, hende por a pasa pa tèst, sinembargo ta duna indikashon ku e ta méenos kompará ku otro dianan.

Ku regularidat na luna di mart sigur práktikamente tur dia, hopi outo den e área sperando momentu pa hasi tèst. Kisas esaki ta duna bon indikashon ku méenos

hende tin síntoma pa bai tèst. Echo ta ku tin hende ta infektá i no ta bai hasi e tèst. E situashon no ta di tal manera ku niun hende riba e isla, no ta infektá ku e vírüs.

Sea nan no ta bai tèst òf nan no tin síntoma i ta asumí ku nan no tin e vírüs. Di tur manera hende ku síntoma ta birando méenos i ta notabel ku e hende ku e vírüs ta méenos kompará ku luna pasa. Esei ta pone ku e hendenan registrá kontagiá ta birando méenos riba e sistema di registrashon. Ta importante pa sigui tèst ora tin síntoma i mantené e reglanan ya menshoná.



Kòrda bai tèst si tin síntoma

KRALENDIJK—Ta tumando nota ku tur dia kantidat di kontagionan ta birando méenos. Esaki sigur ta di aploudí. Sinembargo tin algun persona preokupá ku tin hende ku síntoma ku kisas no ta bai tèst. Ta súprika un i tur pa asina ku tin síntoma pa bai tèst. Riba 11 di april 2021 tin 109 kaso aktivo di Covid-19 na Boneiru. Di e 29 resultadonan di tèst ku a dreña, 3 a resultá di ta positivo. Tin 31 persona a rekuperá di Covid-19, i un total di 17 persona den hospital pa motibu di Covid-19. Tin 10 persona hospitalisá na Boneiru, 4 ta haña kuido intensivo. Tin 2 persona den hospital na Aruba i 5 persona den hospital na Colombia.

Ta importante pa ora bo tin keho bai tèst. Importante ta pa keda warda den karentena.

No sali pa bo no kontagiá otro persona. Keda kas pa no kontagiá otro per-

sona pafó. Pa baha e sifra di kontagio ta importante pa mantené e reglanan di higiena. Tene 1,5 meter distansia i laba man ku awa i habon pa evitá kontagio ku e vírüs di corona.

Karentena sentral i tèst di PCR

KRALENDIJK -- For di 8 di april 2021 biaheronan for di Amérika Latino i e otro paisnan ku tin un prohibishon di buelo pa Boneiru, ta bai 10 dia den karentena sentral riba propio gastu ora nan yega nos isla.

Ta bai pa pasaheronan for di Argentina, Bolivia, Brasil, Chile, Colombia, Repùblika Dominikano,

Ecuador, Guyana (franses", Guyana (britániko), Panamá, Paraguay, Perú, Surinam, Uruguay, Venezuela, Reino Uní i Suráfrika.

Bishitá <https://www.bonairecrisis.com/pap/qas/qas-biahero/> pa e preguntanan mas tantu hasí tokante biahamentu pa i for di Boneiru. Protehá bo mes i e hendenan ront di bo!



Aksidente di tráfiiko Kaya Korona

KRALENDIJK—Ayerá mainta mas o méenos mitar di 12, a sosodé un insidente den tráfiiko.

El a sosodé na altura di e

edifisio di A.F.B.W.. Polis a presentá na e sitio pa atendé ku e situashon i despues 'Caribbean Road Services' a presentá i kontinuá ku

e investigashon di loke a sosodé.

No ta trata di algu grave tampoko tabatin hende heridá.



Entidat Públiko di Boneiru ta lansa plan pa rekuperashon di turismo

KRALENDIJK— Entidat Públiko di Boneiru hunto ku diferente ‘stakeholder’ ta lansa un plan pa rekuperashon di turismo (Tourism Recovery Plan). E plan ta presentá un cambio fundamental den strategia di turismo di Boneiru. Enfoka ta riba e turista ku mas poder di kompra ku ta aportá na un ekonomia duradero.

Maneho nobo

E paro temporal di turismo a konsekuensia di e pandemia di Covid-19 a afektá nos ekonomia lokal severamente. E paro di turismo aki ta brinda Boneiru e oportunidat úniko pa implementá un maneho nobo segun rekomendashonnan di e Plan di turismo stratégiko (Strategic Tourism Master Plan, òf: STMP) publiká na 2017.

E rekomendashonnan di e STMP di 2017 ta inklui involvimentu di nos komu-

nidat i pa atraé e turista ku lo trese mas entrada pa nos isla. Pa a yega na e “Tourism Recovery Plan”, a konsultá diferente stakeholder i eksperto, manera TCB, Bonhata, Kámara di Komèrsio, BBE i otronan ku ta forma parti di e sektor. E núkleo di e “Tourism Recovery Plan” ta pa krea un turismo di kalidat haltu ku ta benefisiá primordialmente komunitat di Boneiru, pa medio di brinda un eksperensia úniko. E Tourism Recovery Plan tin 3 meta: Restablesé merkadonan eksistente i subi e averahe di entrada for di merkadonan ‘premium’, diversifiká e produkto turístiko i oumentá partisipashon di komunitat lokal.

Mester krea eksperensianan úniko mester pa medio di trese e turista mas serka di naturalesa, trese mas konekshon entre e turista ku nos hendenan

i nos kultura, i krea mas sorto di aktividatnan ku por hasi durante dia i anochi. Lo enfoká riba diversifikashon, manera turismo deportivo, nomadanan digital, yatenan privá i kruseronan mas selektivo. Pa logra esaki ta bai traha riba mehorashon en general di nos infrastruktura.

Plan di sertifikashon i konsientisashon

Partisipashon di e komunitat lokal den desaroyo di turismo i balorashon di e identidat lokal i kultura ta esensial pa un destinashon di turismo duradero. Pa por logra e partisipashon aki ta bai invertí den un plan di sertifikashon i konsientisashon pa Bonerianonan. Lo sigurá ku e komunitat ta bon informá i prepará pa por benefisiá di turismo i duna e turista ‘premium’ e mihó eksperensia. Lo enkurashá e komunitat



boneriano pa nan mes hasi uso di e produkto turístiko ya asina nan ta partisipá i yuda propagandá esaki.

E prioridat di Gobièrnu di Boneiru ta pa resumí operashonnan turístiko na un forma seif i responsabel, optimalisá e impakto ekonómiko i laboral i mehorá nos ekonomia, hasiendo uso di e konosementu ku nos mes hendenan i partnernan tin.

Pa logra esaki, ta sumamente importante ku nos

komunitat ta karga e vishon i ku kada suidanano i empresa ta kontribuí ku nan parti. Gobièrno i TCB lo buska kolaborashon ku sektor privá aktivamente, pa logra resultadonan signifkante i diferente na un manera efisiente. E Plan pa Rekuperashon di Turismo ta krea un kuadro pa aselerá e desaroyo, kaminda e implementashon mester ta un esfuerso konhunto ku partisipashon di e sektor i nos komunitat.

Konstrukshon stashon di midi na Saba kanando bon

THE BOTTOM/ KRALENDIJK— Konstrukshon di e stashon nobo di KNMI na parti nort di Saba ta kanando segun plan. Un tim di defensa hulandes, stashoná na St. Maarten, den siman tras di lomba a hiba material di konstrukshon i tambe aparatura nan nesesario ku un peso di masomenos 2000 kilo, na pia na e parti

ariba di e seru. E konstrukshon ta tuma lugá pega ku e volkan Mount Scenery.

Tim di KNMI a kuminsá ku konstrukshon di e fundeshi. Banda di esaki, a konstruí tambe murayanan unda e seismometer mester bini. Tambe a kuminsá konstrukshon pa panelnan solar ku mester bini. Por último a konstruí e parti kaminda e antena pa ‘Global

Navigation Satellite System’ (GNSS)), mester bini i unda e kabel mester pasa bai sentral di kabel. Pa e konstrukshon di e stashon di midimentu a hasi uzo di materialnan robusto pa esaki por wanta bientunan fuerte ku tin riba e seru.

Djaweps último, militar nan a finalisá e trabou pisá di hiba tur material i aparatura. Nan a logra esaki den e tempu ku a stipulá pa nan kumpli ku esaki. Komo ku e parti nort no ta habitá i tampoko tin karetera, no tabatin otro manera pa transportá e materialnan ku no ta na pia. Mester bisa ku algun material tabata bastante pisa, entre otro generator i kashi di koriente. Banda di aparatura, e militar nan mester a hiba sakunan di sèmènt i tambe awa riba e



seru. E sakunan tabatin un peso di masomenos 25 kilo.

Ku e stashon nobo aki KNMI ta den posishon di por vigilá aktividatnan di volkan mas mihó. E stashon ta konsistí di GNSS i seismometer. Ku e GNSS por midi te den último milimeter aktividatnan di volkan, miéntas e seismometer ta registrá temblornan lokal i regional. Ta uza e informashonnan aki pa atvertensianan di tsunami. Remarkabel ta ku e stashon

ta operá independiente. Esaki ta nifiká ku epanelnan solar ta sòru pa koriente, miéntas un satélite ta sòru pa komunikashon di data.

Gezaghebber di Saba, Jonathan Johnson a hasi un bishita serka e militar nan i pa tuma nota di e trabounan. El a gradisí nan pa e bon trabou i a entrega nan un boton di gradesimentu di parti gobièrnu di Saba. E militar nan ta na Saba for di 5 di april i lo regresá St. Maarten bèk pronto.



SELIBON N.V. lo ekstendé un parti na Morotin pa shushi di kurá i konstrukshon

KRALENDIJK-- Selibon N.V. a tuma nota ku a lo largo di henter e kaminda pa yega Morotin pa depositá shushi tin kantidat di shushi di kura, shushi di konstrukshon i shushi gròf. E situashon aki ta krea un

medio ambiente a-higiéniko pa salubridat públiko i spesialmente pa komunitat di Rincon. Pa e motibu aki Selibon a bin ku un solushon di urgensia pa limpia e sitionan kaminda ta depositá shushinan klandestamente.

stinamente.

Den mayoria kaso ta kima sushi depositá klandestamente pa deshasí di evidensia. Kimamentu di sushi den aire liber ta forma un riesgo grandi pa medio ambiente i naturalesa.

Selibon N.V. lo bini ku un solushon temporal kaminda habitantenan di Rincon na un manera responsabel por deshasí di nan sushi di kurá, rama, sushi di konstrukshon i sushi gròf. Lo ekstendé un parti na Morotin na e Plaza Medio Ambiente pa depositá e tipo di sushi aki.

Esaki ta nifiká ku trùk i



vehíkulonon ku ta transportá sushi di kura i shushi di konstrukshon lo mester depositá e sushi aki den forma separá na e sitio indiká ku bòrchinan di indikashon.

Ta depositá tur otro shushi resiklabel den e bakinan disponibel pa separashon di

sushi.

Selibon N.V. ta hasi un súplika na barío di Rincon i otro habitantenan di Boneiru ku ta bishitá Morotin, pa separá i depositá shushi na un forma responsabel i konsiente pa un medio ambiente mas limpi i bunita.

Ta bai laga sushi atras na Tolo

KRALENDIJK -- Tolo ta un lugá bunita na unda hende sa bai kamper. Ta trata di parti di e anterior plantashi Karpata. Tristamente sin embargo ta ku tin dje

personanan ku ta bai kamper na e sitio aki ta bai laga sushi atras. Ta tur sorto di sushi tin, manera bòternan di bibida, palèt ku komehein a ataká. I hopi mas

sushi.

E komportashon aki di hende ta di lamentá. Naturalmente tur hende tin libertat di bai kamper na e sushi aki, pero no por ta asina ku ta bai laga porke ria atras.

Esun ku bai ku nan kosnan pa kamper na Tolo mester sòru pa bai ku nan tambe ora ku nan bai kas.

Naturalmente esunnan prinsipal pa kulpa aki ta e hendenan ku ta bai kamper. Pero di otro banda bo ta puntra bo mes na unda kontròl di funshonarionan di Toezicht & Handhaving ta keda?

Pakiko nan no ta aktua? Aki no ta trata di trabou di Selibon.

Pa mas ku 10 aña kaba ta tarea di Toezicht & Handhaving, pero no ta nota masha moveshon ei banda.



Zjuli ta kumpli 80 aña



Awe Julia (Zjuli) Christiaan ta kumpli 80 aña di edat. Zjuli ta bibá na Hulanda pa 11 aña kaba, bou di guia di su ruman muhé Elvia, kende ta kontentu ku e echo aki. Zjuli den tempu ku e tabata biba na Boneiru tabata hopi stimá i apresiá pa spesialmente su hendenan di Antriol. Di parti BONERIANO / Extra semper a duna Zjuli hopi atenshon.



Durante dianan di fakansi bo ta siña konosé bo yu i nietunan mihó. Durante un fakansi na Merka Danielson a disidí di revelá na mi, ku sierto bèrgwensa, su muzik i artista favorito. Un kantante, rapper, ku nunka anterior mi a yega di tende di dje: Mostaman. Mi sa ku Danielson aki sa rap i asta e tin grabashon riba su nòmber huntu ku su amigunan. Pero nunka mi tabata sa ku e ta fanátiko di Mostaman. El a toka algun di e rapnan di Mostaman. El a skohe esnan mas nèchi, pasobra e promé rapnan di Mostaman aki sigur no ta ehemplar. Un desaster! Basta palabra malu ta skeiru den e promé rapnan di Mostaman. Abominabel! Pero bisa bon i bisa malu di kontenido di su rapnan, e hòmber aki ta rap bon. E ta kapta mi atenshon.

Pokopoko m'a haña sa ken ta Mostaman - Aldito Jacobs. E ta un yu di Kòrsou bibá mas ku 15 aña kaba na e siudat Cartagena, Colombia. Promé ku esei el a biba tambe na Hulanda. Mostaman, nasé i lantá den Marchena na Kòrsou, den su rapnan ta relatá su mes bida, tantu kos malu komo bon. Den un di nan e ta konta di su bida di ghetto: "Sorry esaki ta mi Ghetto Story. E ta kruel mi no ta worry. Tata a basilá ku mama, pèrdè for di mapa. Nunka e no a duna mi nada. Yunan a nase i el a plama. P'esei tata, awor bo mester skucha mi bos. Bo sa bon bon, nunka bo a yuda nos. Mi mama, muhé stimá, ku a duna nos tur kos. Siña nos over di Dios.....".

Asina Mostaman ta sigui relatá su bida den e rap aki i tambe e kantidat grandi di otro rapnan ku bo por haña riba YouTube. E ta konta di pobresa ku el a pasa den: "Frishidèr manera laman. Awa so den e chuba ei ruman. Den ghetto no tin pan. Si tin pan mes, no tin keshi. Si tin cornflakes mes, no tin lechi".

Si bo skucha e rapnan di Mostaman bon bo ta bin haña sa tur su buèltanan di bida, ku sigur no semper tabata bon. Nan ta riba youtube

TURBINA DI BIENTU NA PUNTA BLANKU

KRALENDIJK -- E chèn ta grandi ku Boneiru ta bai haña mas turbina di bientu pa produsí elektrisidat. Asta e sitio na unda e molinanan grandi aki lo bini ta konosí, esta e kosta di Punta Blanku, entre Washikemba i e tereno ku tabata pertenesé ántes na Roi Lamunchi.

Desde aña pasá a pone un mast ku aparatura pa midi bientu na e kosta di Punta Blanku, pa asina ta sigur ku tin bon bientu na e sitio aki pa un posibel parke di molina.

Pa basta tempu kaba tin molina òf turbina di bientu pa generá elektrisidat den e área di Morotin. E molinanan na Morotin ta operá pa Contour Global.

Ta trata di 13 molina ku ta sòru pa un produkshon grandi di koriente. Banda di e turbinanan aki Contour Global tin tambe un planta di koriente ku ta produsí koriente na e manera kon-

benshonal, hasiendo uso di kombustibel deribá di petroli.

Informashon di kua BONERIANO ta disponé ta indiká ku ke pone mas molina pa generá koriente, pero no den e área di Morotin òf Onima. A pensa pa pone nan den otro área i bista a kai riba Punta Blanku.

For di aña pasá kaba

hendenan ku ta move banda di Punta Blanku i Washikemba a mira un mast finí na e sitio aki, sin sa kiko tabata su funshon.

Tin hende a pensa ku lo por tabata un instalashon di KNMI, e instituto hulandes ku ta vigilá kondishonnan di tempu i klima.

Informashon ku BONERIANO a haña

sinembargo ta indiká ku e mast aki su aparatura ta pa midi forsa di bientu den kuadro di e plannan pa pone un parke di molina di bientu pa traha koriente.

E echo ku ta pone molina di bientu na diferente lokashon no ta straño. Na Kòrsou tambe esaki ta e kaso, esta na Playa Kanoa i Tera Kòrá.



Esaki ta e mast ku a pone aña pasá na Punta Blanku pa midi bientu.

6 | Trabounan yerba artifizial

Fèlt ATC ta sigui

Djaluna 12 april 2021



KRALENDIJK--E federashon di futbòl di nos isla ku ta FFB bou di presidensia di sr. Ludwig “Luti” Balentin, den su boletin informativo nr. 3, ta informá ku desde 6 di april a sigui ku e trabounan na e fèlt di futbòl di Tera Kòrá konosí komo Fèlt di ATC.

Ta traha riba e sistema di deskarga di awa di e fèlt di yerba artifizial.

Lo egalísá e parti abou di e fèlt kompletamente.

Dia 9 di april e eksper-tonan hulandes ku ta bai buta e parti di e yerba artifizial a yega Boneiru.

Despues lo buta hèkwèrk rondó di e fèlt i asina ku tin un akuerdo ku kolegio ehekutivo di Boneiru, lo por buta un rant di betòn òf tegel rònt di e fèlt.

Despues ku e trabounan aki finalisá lo por sigui trein i hunga bala atrobe.

Esaki lo por ta den luna di mei si no tin niun kon-

tratempu.

Renobason Fèlt Chio Se-meleer na Nort Saliña:

Lo bai renobá e “mini fèlt” aki di kua e trabounan lo tuma lugá di 12 di april te ku 12 di mei 2021.

Durante di e periodo aki lo no por hasi uso di e fèlt.

A pone tur hende ku ta hasi uso di e fèlt na altura i tambe habitantenan ku ta biba den besindario di e fèlt.

Trabounan planiá pa e fèlt di Chio:

- Kita e yerba artifizial ku tin aktualmente i deshasí di esaki;

- Nivelá e tereno ku tin bou di e fèlt di yerba artifizial;

- Drecha e hèkwèrk i diferente pènel i tambe renobá algun pènel;

- Porta di entrada, remplasá e kandal;

- Yerba artifizial nobo;

- Gol nobo.

Fèlt Rudy Boezem:

Pa loke ta trata Fèlt Rudy Boezem, aktualmente e grupo di trabou “sportinfrastructuur” ta preparando e último konseho ku mester haña aprobashon di kolegio ehekutivo pa por kuminsá buta yerba artifizial na e fèlt aki tambe.

Pronóstiko ta ku lo tuma un desishon den e simannan benidero i ku lo por kuminsá ku e trabounan den luna di mei.

Plan di trabou entregá na diputado Kroon

KRALENDIJK--E siman aki, pa ta eksakto djaweps último, direktiva di SV Vespo representá pa su presidente sr. David Molina i visepresidente sr. Curtey Winklaar, a hasi entrega di e skèts di trabou di e promé fase di e trabounan di limpiesa di Fèlt Pariba na diputado sr. James Kroon.

E trabounan di limpiesa ta nesario aktuamente ya ku den siman di 25 di april lo kuminsá marka e fèlt pendiente di un aktividat grandi findi e luna aki.

Segun e limpiesa ta tumando lugá, lo sigui duna informashon, ya ku awó lo sigui tambe ku e trabounan pa finalisá e proyekto pa kombertí Fèlt Pariba den un Kompleho Deportivo.

Tabata sr. David Molina i Curtey Winklaar, presidente i visepresidente di s.v. La Fama, ku a hasi entrega di e plan di trabou na e mandatario, diputado sr. James Kroon. Riba potrèt momentu ku e hasi entrega di e plan di trabou na diputado Kroon.



Segun presidente sr. David Molina

SV La Fama tabata ketu debí na algun asuntu ku mester a regla komo ekipo veterano

Fin di luna lo tin aktividat grandi na Rincon

KRALENDIJK--E presidente di SV La Fama ku ta sr. David Molina, den un deklarashon pa nos redakshon di e siman aki, ta trese na publisidat ku nan tabata ketu un temporada, esaki debí na e situashon rondó di Covid19, tambe algun asuntunan ku nan tabatin ku atendé kuné pa un ekipo por ta un ekipo ku ta funshoná komo un ekipo.

Ta trata di asuntunan manera pago di Kámara di Komèrsio pa por ta registrá

serka nan i ópera komo un ekipo/organisashon i entrega di kuenta di aña na (belastingdienst). Esaki ta algu hopi importante ya ku asina komo ekipo/organisashon veterano, bo ta laga mira na bo miembronan ku bo ta transparente na nan i tambe belastingdienst sa kiko e tin na abo komo organisashon, di kua komo ekipo veterano bo tin bo deber pa ku esei na momentu kubo ta disponé di un statuto i “cribnummer”.

Mas aleu segun sr. Molina, komo presidente huntu vise-presidente sr. Curtey Winklaar, nan ta sùmamamente kontentu ku “belastingdienst” a duna nan komo ekipo veterano, e espasio pa por a atendé esei i asina entregá e kuenta di aña na nan. Tambe sr. Molina ta trese dilanti, ku SV La Fama ta sigui ku Fèlt Pariba pa kombertí esaki den un kompleho deportivo.

Den un kombersashon ku Diputado Kroon dja-

rason último 7 april 2021, nan a palabrá ku ayudo di nan departamentu, Fèlt Pariba lo bai wòrdu limpiá kompleto.

Selibon NV lo duna yudansa ku ekipo pa asina finalisá e trabou di limpiesa pa un i tur por trein riba òf rondó di dje. Trabounan di limpiesa ta planiá pa terminá mas tardá 24 april 2021, pa asina SV La Fama huntu ku INDEBON, pinta e fèlt i drecha nèt di gol i bèkstop.

Lo bini hèki rondó dje

fèlt, pero eseinan ta den pedida. Manera ku nan yega lo instalá esakinan rondó di e fèlt.

Pa dia 30 april 2021, SV La Fama ta djòin Plataforma Rincon i Fundashon tene Boneiru Limpi, pa organisá un aktividat ku por wòrdu mirá virtual.

Mas informashon di esaki lo sigui den transkurso dje simannan binidero, segun sr. Molina a duna di konosé den su deklarashon pa nos redakshon.

Eksitoso presentashon programa Foys/Dotcomsport

KRALENDIJK--FFB ku ta e federashon di futbòl di nos isla bou di presiden- sia di sr. Ludwig "Luti" Balentin, ta sigui hasi lo máksimo esfuersonan pa sigui alsa nivel di futbòl di nos isla.

Den kuadro esaki, por menshoná ku fin di siman pasá, pa ta mas eksakto djasabra último 10 di april, tabatin un eksitoso pre- sentashon virtual pa direk- tiva di tur ekipo i tambe prensa pa sera konosí ku e programanan ku FFB ta bai

hasi uso di dje pa un mihó desaroyo di futbòl di nos isla.

Ta trata di e programa- nan Foys/Dotcomsport.

Despues di a presentá esaki na direktivanan di e klupnan di futbòl, lo stipulá un fecha pa kuminsá ku treinen virtual pa e perso- nanan di kada ekipo ku ta bai traha den e programa.

Ta trata di programanan sumamente interesante i importante pa desaroyo di e deporte di futbòl di nos isla.

Den kombersashon ku sr. Balentin di FFB den fin di siman despues di e pre- sentashon djasabra último, por a komprondé ku basta tabata esnan enbolbí ku e deporte Rei Futbòl, ku a partisipá na e presentashon virtual djasabra último den oranan di mainta.

Tur ku a partisipá na e presentashon tabata hopi entusiasma ku e progra- manan, ya ku esakinan sigur ta algu na bienestar i pa adelanto i desaroyo di futbòl di nos isla.

Futsal mucha muhé

KRALENDIJK--FFB ta yama danki na tur ekipo ku a hasi esfuerso pa registrá ekiponan futsal di damas.

FFB a risibí 7 ekipo di kategoria 13 aña pa ariba i 5 ekipo di kategoria 9 pa 12 aña. Na momentu ku e medidanan ta permití pa or- ganisá torneo, FFB lo pre- sentá su plan pa esaki.

Material

Pa loke ta trata material pa e kategoria femenino, FFB a repartí e unifòrmnan ku a risibí di KNVB den tur ekipo.

FFB ta spera ku kada ekipo lo repartí esakinan den su miembronan.

Kurso D/C License.

Inisio di e kurso pa

coachnan tambe ta dependé di e medidanan di Covid i ta spera ku pronto por or- ganisá esaki den e lunanan benidero.

Esaki di akuerdo ku ku informashonnan di e fe- derashon di futbòl di nos isla ku ta FFB bou di pres- idensia di sr. Ludwig "Luti" Balentin.

Weganan Concacaf a para

KRALENDIJK -Manera ya tabata ko- nosí no ofisialmente pa nos redakshon, esaki a bira konosí ofisialmente pa nos momentu ku e fe- derashon di futbòl di nos isla ku ta FFB, a anunsiá esaki ofisialmente.

Ku esaki por informá ofisialmente ku e wega- nan di Concacaf Club

Shield a para.

E kompromiso di Concacaf Club Shield ku mester a tuma lugá di 23 di april pa 2 di mei 2021 ser anulá, esaki debí na e situashon di Covid na Kòrsou.

Nos ta spera ku Con- cacaf asina ku esaki ta pèrmití, lo fiha un fecha nobo pa esaki.

Kampionato futbòl hubenil

KRALENDIJK--FFB a prepará i planiá pa ku- minsá ku kampionato fut- bòl hubenil dia 13 di mart 2021.

Lamentablemente e medidanan mas severo pa ku Covid-19 a pone ku esaki no por a tuma lugá mas. FFB ta sigui monitoriá e medidanan i lo evaluá e posibilidatnan na momentu ku suavisá e

medidanan.

Kampionato senior:

Pa loke ta kampionato futbòl senior, FFB a logra organisá 7 wega di kam- pionato señor promé ku a intensifiká e medidanan di Covid.

FFB lo monitoriá e desaroyonan i lo evaluá e posibilidat pa finalisá e kampionato na momentu ku suavisá e medidanan.

Pa kumpradónan potensial riba lista di espera

Posibilidat pa kumpra kas nobo serka FCB

KRALENDIJK – Ainda tin posibilidat pa kumpra un di e kasnan nobo di e promé fase di e proyekto di Fundashon Cas Boneriano (FCB) pa konstruí 500 kas en total. Di e 76 bibiendanan ku Fundashon Cas Boneria- no (FCB) a finalisá aña pasá eksitosamente, 16 ta destiná komo kas pa bende. Di nan a logra bende 4 kaba den 2020. Den 2021 a bende te ku awor 3 kas mas. FCB ta spera di por bende e sobrá kasnan den e promé mitar di 2021. Ta bende e kasnan akí via un kantor di make- lar. Kumpradónan potensial riba e lista di espera di FCB tin oportunidat pa kumpra.

Benta

FCB den 2020 a finalisá

e promé fase di e proyekto di konstrukshon di en total 500 kas, finansiá pa RBC Royal Bank eksitosamente i a keda den e presupuesto. Entretanto ta mas ku un aña kaba, esta riba 14 di yanüari 2020, ku den pre- sensia di sekretario di es- tado di Asuntunan Interno i Relashon di Reino, Ray- mond Knops, a hasi entrega simbólikamente di e dos promé kasnan di e proyekto di konstrukshon.

Durante ku e proyekto di konstrukshon tabata kanan- do, FCB, despues di haña aprobashon di e finansiadó i Konseho di Supervishon di e fundashon, a disidí di bende 16 di e kasnan nobo. Ta hasi esaki na promé lugá pa amplia likides di e

entidat, pa asina por bolbe invertí ku un propio kon- tribushon den e próximo proyekto di konstrukshon di kasnan nobo.

Kumpradónan poten- sial

Kumpradónan poten- sial riba e lista di espera di e fundashon ta bin na remarke pa kumpra. Ka- minda tabata posibel FCB a para garantia pa kum- pradónan den kooperashon ku e suministradó di hipo- tek. E echo ku desde 2020 no por bende kasnan riba tereno èrfpagt na Boneiru, sin aprobashon di Entidat Públiko Boneiru, a sòru pa un tardansa den e proseso di benta.

Entrante 12 di febrüari

2021 a introdusí Garantia di Hipotek na Boneiru. E are- glo a kuminsá pa un periodo di sinku aña. E intenshon ta pa maksimal 350 kas. Ga- rantia di hipotek ta sòru bou di sierto kondishon pa un reda si kumpradónan pa motibu di sirkunstansianan persona haña nan den pro- blema finansiero. Un banko lokal ta ehekutá e areglo.

Kumpradónan di FCB awor por hasi uzo di e ga- rantia di hipotek akí, si nan ta deseá esei. FCB pues no ta para garantia mas pa kumpradónan.

Tin kombersashonnan andando pa sera un kooper- ashon bankario ku e banko lokal i interesadonan pa proyektonan di kompra di FCB.

Bario ta lusi

Entre tantu FCB a hür tur e 58 kasnan di dos i tres kamber. E hürdónan ta hasi nan bèst pa drecha nan hardinnan. E kayanan bunita asfaltá, asera i ilu- minashon di kaya ta laga e bario lusi mas ainda. E fundashon den su relato anual ta trese dilanti ku ta despues di mas di 6 aña ku FCB ta ofresé kasnan nobo. Direktiva ta super orguyoso di esaki.

Entidat Públiko Boneiru ta paga pa pone infrastruk- tura, banda di un kontribus- hon di 2.9 mion dòler for di den e ènvelòp di Region. Ta trata aki di pone infrastruk- tura i prepará áreanan di konstrukshon pa konstruí i biba.



Blijkens exploot d.d. 9 april 2021 van gerechtsdeurwaarder R.C. Anzola te Kralendijk (Bonaire), is op verzoek van de Vereniging Gemeenschappelijke Belangen van Eigenaren Sand Dollar Condo-Tel and Beach Club, gevestigd te Bonaire, ten parkette van de officier van justitie voor BES-eilanden een oproepingsexploot betekend aan:

- | | | | | |
|--|---|---|--|--|
| 1. Gregory Paul Gage and Kamla Gage, Sharon & Bob Jemison, | 18. Alan Joseph Zale and Joan Campanella Zale, | 34. Timothy Scott Barth and Susan Mary Barth, | 49. Michael Bettman and Carmen Andrea Long, | 66. Thomas Josphe Kudzma and Catherine Sue Kudzma, |
| 2. Michael Alfred Rossi and James Rossi and Sharon Jean Jemison, | 19. Louis Anthony Petrich and Eileen Denise MC Farren, | 35. Scott Lee Blackwell and Gail Dickson Blackwell, | 50. Allen & Hannelore Kirkpatrick, | 67. Taylor Scott Cook and Laura Jeanne Aubrey-Cook, |
| 3. Scott Edward Appelt and Susan Denise Ring, | 20. James William Kewly and Judith Mary Kewley, | 36. Brad Wheeler and Nancy Lacy, | 51. Selwyn Bryan Levitt and Beryl Levitt-Shrier, | 68. Betty Wills, |
| 4. Laura Isley Evans and Vann Weaver Evans, | 21. Dwight Joshick & Joan Lynne Fitterling, | 37. Attila Jozsef Varga and Christina Maria Varga, | 52. Franklin Martin Neal [deceased] and Cassandra Elizabeth Neal, | 69. Dennis Jacobs Streid and Mitzi Arline Streid, |
| 5. Cristopher Alden Hall and Kristine Lynn Hall, | 22. Bradley Emerson Louth, | 38. Gregory Carl Miller and Lynne Marie Krajewski-Miller, | 53. Larry Robert Holling and Brenda Jane Holling, | 70. Jason Vernon Gray, |
| 6. James Andrew and Candace Platz, | 23. Alex Eugene Peigelbeck [deceased] and Lena Marie Severini Peigelbeck, | 39. Prem Bhagchand Shivdasani and Nalini Prem Shivdasani, | 54. Taylor Scott Cook and Laura Jeanne Aubrey-Cook, | 71. James Dwight Greenwood and Dixie Christine Greenwood, |
| 7. Robbie Van der Meulen & Monique Bekker, | 24. Ralph Small and Eleonor Wengrofsky, | 40. Deborah Lynne Tuthill and Sarah Schneiderman, | 55. Holuba Vacation Villas INC (Lynn Holuba), | 72. Barry Benjamin Gross (Stephanee Wallace), |
| 8. Stanley Edward Ortman and Karen Jovita Ortman, | 25. Jorgen Willem Weterrings, | 41. Mary Hibbard-Ruckdeschel and Thomas Ritchie Hibbard, | 56. Daniel Edward Wesner and Elizabeth Alexandra Wesner, | 73. Pamela Ann Teitel and Maurice Teitel [deceased], Alan Robert Teitel, Michael Albert Teitel and Gunnel Maria Asplund, |
| 9. Richard & Madelyn Setterberg, | 26. Allen Badner And Cherne Badner, | 42. Edward Daniel Mc Devitt and Pamela Key Mc Devitt, | 57. SDBE7 LLC (Becky Litton), | 74. Elizabeth Anne O'Brien and Kevin Michael O'Brien, |
| 10. Barbara Epstein Levine and Robert Charles Levine, | 27. Phillp Kestlinger Katzev [deceased] and Laraine Carol Abbey, | 43. Mary Kay Dowell and Patrick Michael Dowell, | 58. Honu Consulting Group LLC Solo 401K Trust (Ann & Dwight Firestin), | 75. Dennis James Davis, |
| 11. Sandra Lee Oliver & Mary Hansley, | 28. MCFARLAND-BONAIR LLC (Tom McFarland), | 44. Christopher James Glass and Sheryl Joyce Loux, | 59. Thomas Joseph Galica and Joann May Galica, | 76. Dennis O'Shaughnessy and Donna Rae O'Shaughnessy, |
| 12. SDBONCONDO LLC (Nancy Orr), | 29. John & Judy Grattidge, | 45. John Jacob Raad and Kristine Kehoe Raad, | 60. Rhett James Price, Air, Sand & Sea Corporation, | 77. David Fred Colvard and Lynn Yates Colvard, |
| 13. Lawrence Porter Morin and Margaret Burdick Morin, | 30. Mark Stephan Reubins and Olga Beatrz Markman, | 46. Michael Frederic Rieders and Marian Denise Rieders and Caroline Amelia Rieders, | 61. Irwin Spector and Jacqueline Leblanc Spector, | 78. Sharon A. Cipolla, |
| 14. Somina Ferraro, | 31. Patricia Louise Rowen and Gary Micheal Rowen, | 47. Cynthia Ruth Edgerton and David Alfred Edgerton, | 62. Karen Jean Mcnamara and Kevin Mcnamara, | 79. Margarte Konrad Tuttle and Robert Scott Tuttle [deceased], |
| 15. Rock Jam Holdings LLC (Barb/John Stuckert, John Mellinger), | 32. Fred L. and Mary C. Manuel Revocable Trust, | 48. Rhett James Price and Michael Howard Grace Jr., | 63. Frederick Myles Moran and Mary Josephine Levitsky, | 80. Sand Dollar N.V., |
| 16. Philip Ramsay Merriss Jr. and Janet Hylan Meriss, | 33. John Timothy Hannan and Claire Louise Hannan, | | 64. Robert Joseph Shepherd, | 81. Revocable Trust of Elinor Miller, |
| 17. Howard Harrison and Kimberly Harrison, | | | | 82. Catherina Elizabeth Salisbury-Rowswell; |

gerequestreerden, zonder bekende woon- en verblijfplaats binnen Bonaire, om te verschijnen op **woensdag 14 juli 2021 's middags om 14:00 uur** in het Gerechtsgebouw in het Fort Oranje op Bonaire aan het adres Plaza Reina Wilhelmina, voor de mondelinge behandeling van deze zaak;

To appear on **Wednesday 14 July 2021 in the afternoon at 14:00 hrs, in the Courthouse in Fort Oranje on Bonaire at Plaza Reina Wilhelmina, for the oral hearing of the present case;**

Note:

Het verzoekschrift met producties kan worden opgevraagd bij de advocaat van verzoekers via het emailadres: sanddollar@ekvandoorne.com. Gerequestreerden hebben tot uiterlijk één week voorafgaand aan de mondelinge behandeling de mogelijkheid om een verweerschrift en/of stukken waarop zij tijdens de mondelinge behandeling een beroep willen doen bij het gerecht in te dienen via griffiebonaire@caribjustitia.org

The petition with exhibits can be requested from the applicants' lawyer via the email address: sanddollar@ekvandoorne.com. Up to one week prior to the hearing the respondents have the option tot submit a statement of defense and/or documents that they wish to refer to during the hearing to the court via email address: griffiebonaire@caribjustitia.org

R.C. Anzola Gerechtsdeurwaarders & Incasso
Kaya Gilberto F. Croes no. 2
T (+ 599) 700 7405
T (+ 599) 717 0425



Falki Aviation Bonaire





Trahando for di kas?
Buska e ekipo nan di kantor ku bo tin mester Hasié posibel!

island finance
Nos solo-Semper ta bria p'abo!

Kaya Almirante | Pedro Luis Brion #7,
Kralendijk 717-5991

www.islandfinancebonaire.com

*Suheto na aprobashon di krédito i verifikashon di dokumento.

FCB ta presentá relato anual 2020

76 kas nobo i atraso den mantenshon eliminá

KRALENDIJK -- Un di e logronan den 2020 di Fundashon Cas Boneriano (FCB) ta ku a realisá e promé fase di e proyekto di mas aña pa konstrukshon di 500 kas di hür (sosal). Di e forma akí den un tempu kòrtiku a hasi 76 famia kontentu ku un kas kualitativamente bon i pagabel. Direktiva di e fundashon di konstrukshon di bibienda ta masha orguyoso ku a logra esaki. Asina direktiva di FCB ta trese dilanti den su relato anual i relato finansiero ku a keda publiká resientemente. Banda di konstrukshon di bibienda nobo a hasi diferente trabou na e kasnan ku e fundashon ta manehá. Otro logro importante den 2020 ta ku a eliminá e atraso den mantenshon di e parke di kasnan ku ya tabata eksistí promé ku 2000.

Orguyoso

“Nos ta hopi orguyoso

ku realisashon den 2020 di fase di konstrukshon I di e proyekto di mas aña pa konstruí 500 kas di hür (sosal) di FCB. Di e forma akí despues di hopi aña den korto tempu nos por a hasi 76 famia kontentu ku un kas kualitativamente nobo i pagabel”, direktiva di FCB ta trese dilanti.

Entretantu fase II di konstrukshon ta andando kaba. Den e fase akí ta trata di 50 famia ku lo pasa di e lista di espera pa e lista di hürdó. Banda di konstrukshon di kasnan nobo e fundashon a hasi diferente trabou na e parke di kas eksistente.

Otro logro importante den 2020 tabata ku a logra eliminá e atraso den mantenshon di kasnan ku ta data di promé ku 2000.

Aktivitatnan

FCB komo e úniko fundashon di bibienda sosial ta hasi mas ku solamente hür kas (sosal). E ta embolbí

esnan ku tin interes, manera klientenan i gobièrnu den aktivitatnan i maneho, ta hasi mantenshon i ta traha kasnan nobo. Huntu ku e partnernan den e kadena, FCB ta buska posibilitatnan ku por ta na benefisio (finansiero) di e hürdónan, e direktiva ta trese dilanti den e relato anual i relato finansiero. E fundashon ta duna prioridat na kasnan adekado i safe den e bari-onan. Aktivitatnan básiko di e fundashon ta, ofresé bi-biendanan duradero, di bon ka-lidat i pagabel. Banda di esei ta traha riba kalidat di biba i siguridat den e bari-onan.

E fundashon ta bisa di ta sigui buska aktivamente posibilitatnan i ta wak kiko por mihó òf kiko e grupo di enfoke tin nesidat di dje.




tandprothetische praktijk
BONAIRE
tandprothetische praktijk

AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.
djabieme: 9'or mainta pa 12'or merdia, atardi ta SERA.

E.M. Rijswijk
Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)

Civil Mechanical Structural N.V.
heeft openstaande vacatures voor
2 metselaar
1 timmerman

Voor meer info.kunt u contact opnemen met **Walter Diaz Chávez** op telefoonnummer **+5999 511-2762**

Garage Victor Service B.V.
ta buska
1 mecanica automotriz
-mester tin 1 aña di eksperiensia.
Pa mas inf. por yama **788-3080**

Center Body Car Polo N.V.
ta buska
- electromonteur airco's
- uitdeuker
-mester tin 5 aña di eksperiensia.
Pa mas inf. por yama **717-6590**

Citon Development N.V.
ta buska
metselaar
-mester tin 4 aña di eksperiensia.
Pa inf. por yama **+599 700 1370**



BròKèS 93.5^{FM}
Skuch'è

Djaluna pa Djabièrnè - 9or am
Informashon, komunikado etc. na;
93.5boneiru@gmail.com
glennthomas201@hotmail.com

Glenn Thomas
Boletin BròKèS
Radio BròKèS 93.5 Boneiru
<http://broke935fm.radio12345.com>



CHANTIWAWA RIBA RÒNDU

Pa' Bòi' Antoin

Kaminata diferente

Manera esnan ku ta lesa e rúbrika aki ku regularidat sigur a ripará, último simannan e ta diferente. Motibu ta ku Grupo Chantiwawa no por kana manera ta kustumber den su forma original i kompletu. debí na coronavírus. No por tin formashon di grupo grandi.

Mi ta bai kana sí den un grupo chikitu, pero ta ruta i áreanan ku nos a bai kaba aña pasá. Esaki pa marka algun dje rutanen aki pa hasi nan públiko despues. Pues mi ta bai ku un markadó di ruta, un fotógrafo, un hende di EHBO ku alabes ta yuda kòrta rama i Bigalda de Marchena, kende ta

fungiendo kaba komo guia pa kaminatanan den naturalesa. E tin ku sigui ku esaki.

Bon mirá Bigalda, ku tin añanan kaba ta kana ku mi, mester sigui guia kaminata ku públiko. I el a hasi algun kaba riba su mes. Maidy Martijn tambe ta un di e guianan aki ku lo bai tende mas di dje. Nan lo aliviá e peso pa mi.

Mientrastantu den siman atardi mi ta kana den kamindanan di kunuku. Mi ta varia e rutanen un tiki. Durante e kaminatanan ei tambe mi ta topa ku kos interesante i ta saka foto. Si kualké hende ke kana ku mi atardi den áreanan di kunuku laga mi sa. Solo a kumin-



sá mitar di seis. Promé ku toke de keda kuminsá nos ta bèk.

Insidente den mondi

Na kuminsamentu di e siman aki mester a pidi asistencia di Wardakosta pa motibu ku un mucha muhé ku a bai kana huntu ku su mama a pèrdè den mondi entre Sabadeco i Arawak (Porta Spañó). For di e informe ku polis a duna mi por a dedusí i asta konkluí ku ta den e área di Ruta Wayaká. Te asta mi por kalkulá na unda e mucha muhé aki lo por a pèrdè. Mi konosé e ruta aki bon.

For di kuminsamentu, despues ku nan a habri e ruta aki, m'a kan'é. Mi ta kalkulá ku mi a kana Ruta Wayaká na sigur un 20 okashon asina, si no ta mas. E promé biaha ku mi a kan'é kompletu tabata mi so. Mas biaha m'a kan'é mi so, pero hopi biaha tambe ku grupo.

Bo por pèrdè fásil riba e ruta aki, spesialmente riba e último parti, promé ku bo yega e kaminda di 'Den Laman', ku ta krusa meimei di e anterior plantashi kompletu. Na sierto momentu por ehèmpel bo ta yega na un pida kaminda den temporada di áwaseru tin un 'kama' di e mata kokólede, ku ta kita e ruta kompletamente



for di bista. Ei ta un dje puntonan na unda bo por pèrdè.

Den kuminsamentu mi mes tabata duda ora mi yega einan, pero mientrastantu mi konosé e área den mi plant'i man. Na dos okashon m'a kan'é asta parsialmente anochi. Testigu ámbos biaha ta Edison Rijna. Un biaha anochi ku luna yen a sera nos na e parti nort di e ruta. Mi a bai e dia ei ku un grupo di hóben, entre kua mi yu hòmber Danielson i su amigunan i gezaghebber. Na e otro okashon nos (gezaghebber ku mi i dos persona mas) a kana kontrario, esta di Porta Spañó pa Seru Largu. Via Seru Largu tambe por yega Ruta Wayaká.

Pèrdè den mondi

Mi por reklamá di konosé mondi hopi bon. Mi no ta pèrdè fásil. Nunka lubidá ku mi ta un eks-marinir ku a siña e materia di 'kaart en compas'. Mi tabata sobresalí den e materia aki. Ta tempu ku nos no tabata konosé GPS, sino mapa i kompas. Den 'dienst' m'a konosé mondi hopi bon. Bo por konfia mi den mondi grandi.

Mi sa sí na unda un hende ku no konosé Boneiru bon i no sa kana mondi por pèrdè fásil, esta den Colombia, Bolivia i Washing-





ton/Slagbaai. Solamente un bi-aha mi a brua mal bruá. Tabata huntu ku Walter Coffie.

Ni Walter, ni ami, no sa maha kabes ku karnaval. Pues nos a disidí di drenta Bolivia via Lagun riba di Gran Marcha. Nos a yega te meimei di Bolivia - Waikano. Na sierto nos tabata kana den un sírkulo sin realisá. Te ora ku nos a yega den un suela moli di tera kòrá kaminda nos a mira nos ras-

tronan di sapatu. Nos a pasa dos biaha den e área ei sin sa.

Nos a klara ora ku nos a mira e torno di Spelonk, pero pa mi den un otro direkshon ku mi a kere ku e tabata. E ora ei nos a bai mas den su direkshon, yega den e kaminda ku ta bai Spelonk, fo'i djei bai bèk Lagun. Nos a drenta Bolivia 8'or di mainta i a sali 5'or di atardi. Kasi anochi a sera nos den e mondi ei.

Na un otro okashon m'a brua den mondi. No pèrdè. Por bisa ku mi a pèrdè orientashon, sin sa na unda tabata pariba, pabou, nort i sùit. Mi no tabatin kompas e dia ei. Mi tabata huntu ku Erik Booi. El a ripará ku m'a brua, pero mi no a lag'é sa, pa e no drenta pániko. Un avion di BonaireExel, ku tabata bayendo Kòrsou (pabou) pa mitar di diesdos, a klara mi wowonan.

Importante

Ta importante pa na momentu ku bo ta bai mondi grandi sea ta bon prepará. Sufisiente (hopi) awa, fruta i algu otro di kome. Por ehèmpel e kukinan di fruta manera Sultana. Ami ta bai semper tambe ku un bòter di Gatorade. E ta hopi bon.

Mas aleu bai ku bo telefòn.

Sòru pa su bateria ta bon kargá. Siña traha ku e app di 'location' riba bo telefòn. E ta fásil. Mi mes por traha kuné. Mas aleu por download hopi mas app útil riba bo telefòn.

Sistemanan di GPS, tambe e app ku nan ta yama 'relive'. Mi no por traha ku tur, pero den Chantawawa tin hende ku ta eksperto den e teknologia aki.

Loke tambe ta importante ta un flùit. Den Chantawawa nos tur un flùit. E flùit aki tin tambe un kompas ariba. Un spil chikitu tambe ta importante pa transmití reflekshon di solo pa nan por deskubrí bo durante akshon di búskeda. Lusafè òf laiter pa eventualmente sende un kandela pa mustra unda bo ta.

Un ròl di 'ducktape' tambe ta indispensable pa ousiliá bo sapatu si e kibra. Importantísimo. Mas aleu un vèrekeiker, machete òf skèr pa kòrta mata, sambèchi etc.

Naturalmente tin mas kos. Pa loke ta trata artíkulonon di promé asistencia nos tin den Chantawawa un miembro di Krus Kòrá Boneiru den persona di Joselito Oleana. E ta bon ekipá.

Tin algun kos básiko ku bo mester tin: pèchi òf sombré, bon kèts òf sapatu, krema pa protekshon kontra solo, anke mi ta deskonsehá uso di esaki, pasobra e holó ta atraé abeha riba bo. I mondinan ta yen di abeha. I si abeha òf maribomba piká bo tòg, Glacial ta yuda aliviá e doló.

(Komo ilustrashon pa e rúbrika di awe mi ta usa foto saká durante un simpel kaminata den áreanan di kunuku na kaida di anochi)



Rincon ta bai haña labadó nobo



A kita e labadó ku tabatin den Roi di Dada pa bai traha un nobo pa e awa kore mas mihó ora awaseru kai. E dianan aki ta harmando heru pa otro siman basha betòn. Fotonan saká pa Rudolf Wout ta musta e proseso di konstrukshon di e labadó nobo.

Bòl Antoin
Fundashon Històrico Kultural Boneriano

“Mi a bakuná
asina mi por bishitá
hende grandi atrobe pa
registrá historia di Boneiru**”**

Mas informashon:
Gobièrnu di Boneiru www.bonairecrisis.com
Lila di informashon virus di corona:
0800 0800 (gratù)

**Siña di bo historia, kultura
i naturalesa**



Kanal 70- TELBO / Kanal 23 Flamingo TV

Dienst Uitvoering Onderwijs
Ministerie van Onderwijs, Cultuur en
Wetenschap

**Bo ta bai studia
na Hulanda
e aña eskolar
benidero?**

Studiefinanciering: de praktische zaken

Djaweps 15 di aprel 7.30 di anochi
Registrá via duo.nl/webinar
Suptítulo na ingles i papiamentu

Webinar

Den e webinar ‘Studiefinanciering: de praktische zaken’ DUO ta konta bo tur kos ku bo mester regla pa bo finansiamentu di estudio na Hulanda.

For di:

ARUBA **Esso** NEWS

Kompilá pa Nadya Tromp

Mart 5, 1965

E Trobbel Util di un Bon Yobida

"Unda e solo brillante di Aruba a keda ?" un turista Ameri cano a keha mientras el a corre dren-ta den e edificio di aero puerto pa seconde awa.

"E maishi mester poco mas solo sino e ta bai perdí," un traha dor di cu-nucu a lamenta.

"Mi ta contento cu mi no tin mester di muha mata," un jardi nero a bisa hubilando.

Esakinan ta e re-acionnan tipico di e dia-

nana di yobida cu ta-batin na Aruba durante e ultimo simannan. Pa algun hende, manera e jardinero, e yobida ta-bata algo fortunado. Pa otronan, manera e turista Americano kende a bini na e isla "yen di solo" pa haya poco solo pero cu solamente a haya un bon muhá, esaki tabata algo fastioso.

Na Lago hopi oranan a worde perdí for di tra-bao den planta pa motibo


di yobida. En cambio, e trahadornan tabata pro-tehá contra e solo fuerte door di e nubianan ariba.

Pa Jose Geerman, kende ta encarga pa conserva naturaleza na Rooi Taki, e awacero abundante tabatin conse-quencianan agradable y tambe menos agradable. Agradable tabata cu e dani nan na Rooi Take a bai over y cu e yobida a bini net despues cu un gran cantidad di mata-



nan cu yama "eucalyp-tus" a worde plantá. Na e otro banda, Sr. Geerman

a bisa cu e trahadornan no por a haci mucho tra-bao pa motibo di yobida.



Rudy Richardson di MEP:

Zeewijk ta cu Rudy Richardson

ORANJESTAD-- Digno pueblo humilde di Zeewijk, boso a buta boso confiansa den mi persona na aña 2013 ora cu mi a postula mi mes den filanan di Movimiento Electoral di Pueblo (MEP).

Aunke nos prestigioso partido no a logra drenta gobi-erno na dicho eleccion, mi a sigui activo den politica Arubano cu enfasis riba nos distrito di San Nico-las.

Na aña 2017 boso a bolbe duna mi e confiansa y mi a crece cu 300% di voto personal.

MEP a drenta gobierno cu boso sosten na nos or-ganizacion politico y mi persona a keda traha pa nos distrito di San Nicolas den funcion di Consehero general bao Ministerio di Asuntonan Social y La-bor. Mi a lucha incansabel-mente pa trece mas cam-bio posibel atravez di nos programa di gobernacion Hunto Pa Aruba 2017-2021.

E eleccion aki na 25 di Juni 2021 mi ta bolbe pidi boso sosten pa mi sigui traha pa nos pais muy en particular nos barionan manera Zeewijk y hopi

otro cu no a haya e debido atencion pa varios decada. Cu boso sosten nos lo logra un mihor calidad di bida pa nos tur.

Mi ta conta riba boso sosten pa e victoria masal pa nos partido MEP na Juni 25, 2021. Cu Bo Nos Ta Avansa.

Partido MEP ta aclarea:

Reunion na cede di MEP ta cumpli ku tur regla di DVG

ORANJESTAD -- Dia-domingo ultimo na Cede di MEP candidatonan y presidentenan di directiva a reuni pa delibera tocante campaña. Reunion rutinario di Consejo di Partido cu mes tanto hende cu normal. Adelanta a busca aprobacion di Crisis Team y partido a tene su mes na e reglanan pa evita aglomeracion. Ta trata di reglanan similar

na tur otro organizacion cu ta organisa reunionnan teniendo cuenta cu protocolnan. Polis, cumpliendo cu su trabou, a pasa pa controla si e cantidad di persona tabata di acuerdo cu e cantidad limite y a constata cu no tabata tin violacion y a bandona e sitio.

Partido MEP ta un partido serio cu ta tene su mes na tur regla y protocol.

Prome Minister Evelyn Wever-Croes:

“Nos tin cu sigui aplica disciplina pa nos bringa e virus”

ORANJESTAD -- “Ban mantene nos mes na e reglanan pasobra nos ta stima nos mes, nos famia y Aruba.” Prome Minister Evelyn Wever-Croes, na ciere di e conferencia di prensa pa duna informacionnan tocante Covid-19 diabierna mainta, a haci un apelacion un biaha mas pa nos sigui cuida di e pandemia aki.

“Mi ta kere mi ta papia den nomber di tur esnan cu ta biba aki na Aruba. Nos tur ta cansa y fada caba di e Corona virus, pero e virus no a cansa di nos ainda. E virus a cambia y awor nos ta den un situacion cu na Aruba tambe a cambia. E variante Britanico tey y e malo ta cu e ta mas contagioso y mas mortal. Pero

e bon ta cu nos sa con pa bringa e variante aki pasobra e mesun armanan cu nos ta uzando pa un aña caba, nos tin cu sigui aplica cu disciplina y nos lo bringa e variante aki.

E armanan ta laba man lo mas posibel, uza hand-sanitizer, tene distancia di otro hende, no yega cerca, tene bo tapaboca bisti na tur momento y si bo tin un sintoma, isola bo mes y tuma contact cu bo dokter inmediatamente pa bo por bay test. Tambe tin e posibilidad pa registra via e website na unda bo lo haña un codigo pa bo bay test.

Dus aworaki bo por registra mei anochi mes via e website y bo por bay test e siguiente dia mes. Esaki ta e armanan cu nos mester bay aplica pa bringa e variante Britanico.

Durante e conferencia di prensa nos a duna spli-cacion hopi amplio, cu data y cifras, dicen e medidanan no por wordo flexibilisa ainda. Mi sa cu esaki ta fastioso y decepcionante pa hopi hende y mi ta spera di por a convence boso cu e ta necesario ainda pa tin e medidanan aki in place pa asina por baha e cantidad di contagio. Mi ta spera cu nos por a logra convence bo di e seriedad di e situacion cu nos ta aden.

Mi kier finalisa pa pidi pasenshi, nos ta drentando un fin di siman y mi sa cu pasenshi ta un cos dificil pero mi ta pidi pasenshi un poco tempo mas. Si tur cos bay bon pa juni nos lo tin 85% di nos comunidad vacuna. Ta poco siman mas falta. Tanto sacrificio cu nos a haci un aña largo, aworaki

mi ta pidi un poco mas di pasenshi. Cosnan ta meho-rando, nos ta wak e luz na final di e tunel. E vacunacionnan ta bayendo bon y ta bay amplia e capacidad na Sanicolas. Bo no mester ni pidi afspraak, bo por yega y registra pa vacuna di biaha.

Nos ta recuperando eco-nomicamente, nos a haña bon noticia di FITCH tam-be cu a mehora nos rating di negativo pa stabiel. FITCH mes ta confirma cu e mi-ranan pa futuro ta stabiel pa Aruba. No ta e pais di mas grandi of mas poderoso ta vence e coronavirus, ta e pais cu ta demostra mas disciplina. Ban demostra disciplina. Ban manetene nos mes na e reglanan pa-sobra nos ta stima nos mes, nos famia y Aruba”, Prome Minsiter Evelyn Wever-Croes a enfatisa.



ARUBA

Pa evita plamamento di e virus di corona

Reglanan pa campaña electoral ta esencial

ORANJESTAD -- Durante conferencia di prensa pa duna ultimo informacionnan tocante Corona virus diabiera mainta, Prome Minister Evelyn Wever-Croes a elabora riba e topico di campaña electoral den cuadro di e crisis. Como lider di e crisis team, Prome Minister ta haci un apelacion na Partidonan politico, politiconan y pueblo di Aruba en general, pa hunto nos evita loke a pasa na Corsou. Reglanan pa Campaña electoral ta esencial pa evita plamamento di e virus.

“Na Corsou nos a mira

cu nan a drenta temporada electoral sin tuma cuenta cu e medidanan di precaucion. Manera nos por mira riba e grafico inclui, Corsou a cuminsa na unda a nos tabata.

Na unda Aruba ta awor, Corsou tambe a cuminsa pero depsues el a sali for di man y aworaki nan ta riba 4 mil caso. Como Minister President y lider di crisis team, mi ta haci un apelacion na tur ciudadano di nos pais, especialmente nos politiconan, no ban benta afor loke e pueblo di Aruba a sacrifica pe un aña largo.

Djies corda kico abo mes a sacrifica, cuanto dia bo no por a bishita bo mayornan, cuanto di nos a manda yiu studia na Hulanda y ora a cera frontera nos no tabata sa ki dia por waknan, cuanto bo a sacrifica cu bo no por a topa cu bo amigonan, bo no por a haci bo deporte. Nos tur a sacrifica hopi den e aña aki. No ban benta esey afor djies pasobra nos ta den campaña electoral”.

Prome Minsiter a duna di conoce cu Korps chef hunto cu DVG a reuni cu e partidonan politico pa spli-ca tambe e importancia pa



atende na e reglanan.

“E reglanan a wordo comunica tambe. Toque de Queda ta keda na 10 pm, Orario di cierre na 9 pm, gebiedsverbod, kiermeen depsues di 7 pm bo no por ta riba parkiglot ta comb-ersa of riba beach, samen-scholings verbod ta keda na 2 perosona maximo. Bishitanan na cas no ta permiti solamente si ta famia pasobra nos kier pa famianan sigui bishita otro. Bishita di cuido ta continua y bishta di dokter ta wordo permiti.

Nos no lo pone cuerpo policial para dilanti cada cas pa wak si otro hende ta drenta pasobra nos no tin hopi polis pa haci esey,

pero nos ta conta riba e responsabilidad civico di cada un”, Prome Minister a indica.

A keda palabra entre DVG, Cuerpo policial y e partidonan politico, cu e partidonan politico lo tuma tempo pa wak ki tipo di actividad nan lo kier organisa y trece bek pa cuerpo policial evalua si ta algo cu por of no por. E reunion a bay bon y e mensahe a yega. Aruba ta den un momento hopi critic aworaki. Nos plan di vacunacion por pone cu pa Juni, Aruba ta vacuna. Nos no mester un spike aworakinan pa strobe cu e plan di vacunacion pa Juni aworaki.



Cu kier siña maneha un negoshi eficientemente

Curso pa tur empresario of futuro empresarionan

ORANJESTAD -- Awe Iniciativa pa Desaroyo di Empresa Arubano (Idea) ta presenta su curso “Empresario Prepara I” cual ta wordo organisa dor di Departamento di Asuntonan Economico, Comercio y Industria.

Meta di e curso aki ta pa yuda nos clientenan con pa maneha nan negoshi of negoshi pa otro persona den un forma mas eficiente y manera debe ser.

E curso ta consisti di e siguiente topico nan:

Corporate Social Responsibility (Business & Human Rights)

Business Continuity Plan, Marketin, Business Plan, Business Law, Small Business Administration & Finance.

Empresario Prepara lo cuminsa dia 12 april 2021 y ta consisti di 25 lesnan (dos biaha pa siman, teniendo cuenta cu e dianan liber

den luna di april).

E curso lo termina 12 juli 2021. Horario ta 7.00 pm pa 9.15 pm y pa e lesnan lo tin un schedule cu lo mester tene cuenta cune. E curso lo wordo duna riba e plataforma di ZOOM.

Curso “Empresario Prepara I” ta costa Afl. 375,-.

Mester completa tur e fasenan pa por logra un certificado na final.

Pa e persona nan cu tin curso EP I caba y ta desea

pa participa na e 2 topiconan nobo cual ta “Corporate Social Responsibility” y “Business Continuity Plan”, por hasi esaki tambe na un prijs di 60,- pa tur 2 topico y lo ricibi un certificado si logra pasa e examen cu exito.

Criteria pa atende curso “Empresario Prepara I”:

- Ta preferibel pa tin nivel di MAVO of

equivalente. Diploma no ta necesario.

- Mester tin conocimiento di computer y di e plataforma ZOOM.

- Conocemento basico di papiamento, hulan-des y ingles ta necesario.

Pa informacion y inscripcion por manda un email na L.croes@deaci.aw.

Tambe por like IDEA su Facebook pagina: Idea-Aruba.

Senador hulandes Peter Nicolai:

'Introdukshon di COHO tabata demostrashon di poder di Hulanda'

WILLEMSTAD.- Segun Peter Nicolai, senador di parlamento 'Eerste Kamer' na Hulanda, introdukshon di COHO tabata 'un demonstrashon di poder di Hulanda'.

Den Eerste Kamer djamars siman pasá, senador nan a reuní ku sekretario di estado di Relashonnan di Reino demisionario Raymond Knops. Diferente senador tabatin hopi krítika riba e manera ku Hulanda a introdusí e COHO; ku ta e Organo Karibense pa Reforma i Desaroyo. Manera ta konosí Kòrsou, Aruba i Sint Maarten despues di basta negosiashonnan a firma COHO.

Segun Knops esaki tabata un kondishon pa e paisnan por haña mas sosten finansiero. E paisnan a pidi Hulanda pa yudansa debí ku e efektonan grave di e pandemia di COVID19

riba e islanan.

Senador Peter Nicolai a splika djamars ku e tabata hopi asombrá di e manera kon Knops a pone preshon riba Kòrsou, Aruba i Sint Maarten den aña 2020. Nicolai a menshoná ku Hulanda a malusá su posishon i su poder. Tambe e senador a bisa ku e manera kon Hulanda a aktuá ta trata ku e pregunta kardinal di legalidat. Segun e senador, Knops a bisa e paisnan ku nan lo no haña yudansa si nan no bai di akuerdo ku e kondishonnan. Segun Nicolai e manera di pone preshon no ta korekto. 'Pasobra konsekuensia di esaki tabata ku e legisladónan di e paisnan mester kambia nan leinan.

Pero komo Hulanda nos no tin e derecho pa imponé nos deseo riba legislador di Kòrsou, Aruba i Sint Maarten?' Segun Nicolai



COHO ta kontra intenshon di Statút. 'Introdukshon di COHO no ta nada mas ku un 'powerplay', el a bisa.

Esaki por tuma lugá entre paisnan. 'Pero nos ta papia di kuater pais ku huntu ta forma un Reino.' Nicolai no a komprendé pa ki motibu sekretario di estado a mara kondishonnan na yudansa finansiero den kuadro di krísis di COVID-19.

Otro senado tambe taba-

tin krítika riba maneho di Knops, ta e Senador pa partido PvdA Jeroen Recourt a bisa ku e islanan ta sufri hopi dor di e konsekuensianan di pandemia di COVID-19. Pero maneho di gobièrnu-Rutte a oumentá e diferensianan entre Hulan-

da i e tres pais Karibense. No tin hopi atenshon mas pa similitut entre e kuater pais den Reino Hulandes. Recourt a bisa ku: 'Tur kos ta indiká ku Hulanda a imponé tur su deseo riba e paisnan. Nan a fòrsá esaki komo kondishon.'

Maltrato ku detenshon

WILLEMSTAD—Djasabra, alrededor di 01.27'or, sentral di polis a risibí informashon di un bringamentu ku tabatin entre di dos dama na un adrès den Kaya Elegansia.

E unidat ku a yega na e sitio a topa un dama tur na sanger i ku algun kap na su kurpa. For di investigashon preliminar a sali na klá ku e víktima tabatin un pleitamentu ku un otro dama i e último aki lo a maltratá e

víktima ku un chapi. A pidi presensia di ambulans pa transportá e víktima pa sala di emergensia di C.M.C. pa risibí tratamentu médiko.

Na e sitio, alrededor di 02.13'or, polis a detené e agresor, e dama sospechoso L.V.M.G. di 42 aña di edat nase na Kòrsou pa maltrato ku arma. A present'é dilanti di un fiskal ouksiliar ku a ordená su enkarselamentu pendiente di mas investigashon.

Areglo Kickstart ya a duna 125 mil na supsidio

WILLEMSTAD.- For di su lansamentu dia 22 di febrüari último e areglo Kickstart di Prins Bernhard Cultuurfonds Caribbean a duna 125 mil florin na supsidio. Te ainda nan a trata 15 petishon ku a drenta i ta sigui atendé petishonnan. Ta trata aki di un areglo temporal i p'esei ta hasi yamada ainda riba artistanan di podio pa nan no warda muchu i hasi nan petishon na e areglo Kickstart.

Prins Bernhard Cultuurfonds Caribbean huntu ku Kickstart Cultuurfonds Ulanda ta lansa areglo Kickstart. E dos fondonan menshoná ta uni forsa pa yuda e sektor di arte di podio/esenario di e islanan di Karibe Ulandes pa nan adaptá na e sirkunstansia-

nan ku ta kambiando debí na medidanan ku Coronavirus a trese kuné. Huntu por disponé di 500 mil florin pa e metanan di areglo Kickstart, adishonal na e maneho di supsidio eksistente di PBCCG.

E areglo ta proporshoná temporalmente apoyo finansiero adishonal na e sektor di arte di podio pa yuda nan na momentu di e Coronavirus, pa por organisá aktuashon i eksposishonnan, teniendo kuenta ku e medidanan i pa nan por risibí na públiko di forma sigur. Bou di e areglo aki, e gruponan por pidi un supsidio pa nan artíkulonnan ku ta desviá di e kriterionan normal.

Nan por pidi un máksimo di 25 mil florin pa un

défit ku por proba komo konsekuensia di e Corona i e gastunan úniko di kompará òf ahuste.

E areglo aki ta aplikabel na produktornan, fundashonnan i estableimentunan manera teater i salanan i museo ku ta realisá produkshonnan pa públiko, por ehèmpel representashon di dansa i teatro, representashon musikal, konsierto, eksposishon.

Por manda petishonnan atraves di e portal digital di PBCCG. E petishonnan ta keda prosesá mensualmente den reunionnan programá.

E fecha ku e programa ta sera ta 1e di sèptèmber 2021. E último petishon por keda hasí te dia 31 di ougùstùs 2021.

KON PA MI ENFRENTÁ KRÍISIS

Skritura: Gálatas 3:1-3

"O galationan bobo! Ta ken a bruha boso kabes pa boso no obedesé e bèrdat,...?" v.1

Nos mundu ta den krísis. Ekonomistanan, polítikonan i sosiologonan niun no ta optimista tokante di e futuro. Algun inkluso ta apuntá na un empeoramentu trágiko di e situashon mundial, ku por resultá den un katástrofe. Ta un mundu den krísis, no solamente pa e problemanan di kontaminashon, falta di alimento, wèlganan, inhustisia sosial, pérdida di derechonnan humano, miedu pa un guerra nuklear, e pandemia, sino mayormente pa e krísinan grandi interno ku ta afektá nos bidanan direktamente. Krísis familiar i inmoralidat ta afektá hòmbèrnan i muhénan, grandi i chikitu. E krísis aktual akí ta alertá nos, pero echo ta ku semper tabatin épokanan di krísis i katástrofenan natural, i e kreyente semper a enfrentá tur e atversidatnan akí ku 'konfiansa firme den Señor'. Laga nos rekòrdá e sekura den e tempu di Hose i rekòrdá kon Rut i Noemi a bira biuda. I no lubidá e eksperensia troumátiko di Job. E hòmbèr akí, Job, tabata un hòmbèr riku na material i hustu dilanti di Dios; un dia diabel a presentá dilanti Dios i a pidi Dios su permit pa mishi ku tur Job su poseshonnan. E mesun dia ei, Job a pèrdè su kriánan, su karnénan a muri, nan a hòrta su kamelnan, i un bientu fuerte a basha e kas abou kaminda su 10 yunan tabata i tur a pèrdè nan bida al instante. I kon Job a reakshoná dilanti di tur e gran prueba akí? Esaki ta su palabranan sorprendente: "Sunú mi a Sali for di barika di mi mama, i sunú lo mi bolbe einan. Señor a duna i Señor i Señor a kita, Bendishoná sea e nòmber di Señor." Job 1:21

Carlos J. Cárdenas, Colombia

Mundu ta den krísis, pero ami a disidí pa no partisipá ku e mundu!

Saká for di: Alimento Pa E Alma, un produkshon di Trans World Radio Bonaire.

Rekordando 45 aña Extra

Segundo mitar di dékada setenta i promé dékada di ochenta tabatin hopi atenshon di parti gobièrnu di Boneiru pa krio di bestia. Julio (Djul) Angela di UPB tabata diputado enkargá ku LVV. Komo hefe di LVV tabatin Michael Fowler, miéntas ku tabatin asistensia tambe di Stoffel, un eksperto hulandes ku a bini e isla aki den kuadro di asistensia tékniko na Boneiru riba tereno di agrikultura i krio di bestia.

Den mesun tempu ei Boneiru tabata haña asistensia tambe riba tereno di peska. Asistensia tékniko no solamente di Hulanda, sino tambe di UNDP - United National Development Program. Por ehèmpel di

un tal Galene.

Den un entrevista na e emisora Voz di Bonaire Fowler a elaborá riba vários tópiko relashoná ku agrikultura, hortikultura i krio di bestia.

Extra a publiká e entrevista aki. Fowler a papia di un proyekto jojoba òf yoyoba: "Yoyoba ta un tipo di mata ku nan ta kultivá den desierto di Estádos Unídos i Mexico. E ta desaroyá hopi bon awor. E fruta di e mata aki ta produsí un sorto di zeta ku nan ta usa den proseso di industrianan farmakéutiko. Ta yama e mata aki 'mata di futuro'. Aktualmente nos na LVV ta intentando pa kul-

tivá e mata aki. Si e intentonan aki logra nos lo bai introdusí e mata aki serka agrikultornan lokal." (Extra 7 di òktober 1978)

Den Extra di 11 di òktober 1978 notisianan di polis: "Dia 2 di òktober tabatin un dalmentu di outo entre e outonan numerá 1242-B i 1297-B dilanti showroom di Bonaire Trading. Dilanti misa di Playa tabatin un aksidente entre 1781-B ku a sali for di 'parkeerplaats' subi kaminda ora ku 243-V tabata pasando. Polis a hiba e outo 243-B warda pa hasi un 'verkeerstechnisch onderzoek'. Riba Noord Nikibokoweg e outo 722-B a lora un bògt muchu grandi

i dal den 327-V. E shofùr di outo 722-B a haña 'kapwond' na su kara, doló na su pia i e mester a keda hòspital riba òrdu di dòkter Vloemans."

Un nota interesante ta e echo ku polis tabata duna number di e vehíkulonon embolbí den aksidente. E numbernan aki tabata importante pa kumpradónan di loteria. Nan tabata kere ku e numbernan aki tabata sali den loterianan di Caracas i Tachira, riba kua loteria hendenan lokal tabata kumpra number, ku den e tempu ei no tabata legal, pero sí tolerá pa outoridat.

Extra di mesun 11 di òktober: "Dia 8 di òktober último a yama polis na Hotel Bonaire, kaina tabatin un kaso di di ladronisia den kuarto 227 durante e anochi anterior. Ladronnan a bai ku mei dozein di t-shirt di Kiwanis, un bòter di wis-ki, un bòter di cherry i un tas di hende muhé. Mésun dia ei tabatin un ladronisia

mas na Hotel Bonaire i unu na e skol MAVO."

Mesun korant: "A pidi asistensia di polis pa un hòmber ku tabata drumí abou banda di A-Mini Snèk. E hòmber tabata grita di koló. Ora ku polis a yega a resultá ku tabata un hòmber stòm burachi. Despues di a dal betèr e tèrsio a yega kas i dal su tata. E tata no a aseptá esaki i a duna su yu un aire di sota, motibu pa kua e tabata yora."

Regata tabata yegando i Extra a informá: "E boto piskadó di Kòrsou Nimitz ku number di registro NC 1438 bou di mando di kaptan Johan Soliana tambe lo tuma parti na Regata e aña aki. Ta e promé bes ku un boto di piskadó di Kòrsou lo partisipá den Regata di Boneiru, kompetiendo den Regata 1978. Silvio Domacassé ta koordiná e klase aki di boto."

Programanan di Bonaire.tv

TELBO kanal 70

Flamingo TV kanal 23

Djaluna 12 april 2021

12:00 Herensia:

Marcelo Gomez

13:00 Aki Boneiru Spesial:

Boi Martinus

14:00 Herensia:

Tica Giel i Wim Muller

15:00 BAPA:

Juamar 'ManJam' Nicolaas

16:00 Herensia:

Nerio Mercelina i Leticia

Mercelina-Thielman

17:00 Aki Boneiru:

Hans Faassen - 10 aña

Classical Music Board

18:00 Herensia:

Willy Djaoen i Milca Martijn

19:30 Puerto Latino:

Luis Zárraga

20:00 Herensia:

Purcy Sweetnam i

Don Stewart

21:00 Aki Boneiru:

Windsock

22:30 Programa Spesial:

Nos Zjilea

23:00 Herensia: Egilio St. Jago

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



MONCHI & TONCHI

Mihó bende e edifisio di BONERIANO i Extra. Tur hende ta traha na kas tòg.

Awèl sí! Tambe por hasié apartamentu òf kas. Ya Boris ku Dansk kuminsá trein drumí kaba akinan



KOLOFÓN

Editor Bonaire
Communication
Services N.V.

Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Direktor

Shirley Martis

785-3824

796-3824

Hefe di redakshon

Bòl Antoin

786-6818

Redakshon

Ludovico Nicolaas

Davienuska Janga

Velli Gijsbertha

Ibi Piar (deporte)

Partner na Aruba

Awe Mainta

Layout

Josella Martinez

Aviso

avisobon@gmail.com

Pronóstiko di tempu pa Boneiru

Djaluna
12 april 2021



Ta okashionalmente nublá i awe lo keda predominantemente seku, mañan chens pa un áwaseru. E temperatura máksimo lo ta aproksimadamente 30°C, e temperatura mínimo mas o ménos 25°C. E bientu ost ta moderá te basta fuerte, 4-5 Bft. Altura di ola: aproksimadamente 1.5 m (4-6 pia)

* Altura di ola válido pa laman grandi

Di dos Djadumingu di Pasku di Resurekshon, Fiesta di Dios su Mizerikòrdia

Promé Lektura : *Echonan 5, 12-16*

Salmo : *Salmo 118, 2. 4, 13-14. 22. 24*

Di dos Lektura : *1Pedro1, 3-9*

Evangelio : *Huan 20, 19-31*

E buki di Hechonan di Apòstelnan tabata un regalo Ku Spiritu Santu a duna nos pa medio di Lukas. E evangelista aki tabata ke kompletá su obra ku e buki nobo aki, pa medio di kua nos a sa kon e komunidad primitivo di Herusalèm a bai kresiendo i asta ekstendé su mes pa hopi otro pueblo ku no tabata hudui.

Naturalmente e komunidad primitivo tabata formá eksklusivamente pa israelitanan kombertí na e fe nobo. Lo a tarda algun aña pa kuminsá ku e trabou misionero entre e paganonan, e proménan di kua tabata e samaritanonan, mará na e promé persekushon sufrí pa e siguidónan di Hesus den Herusalèm.

E komunidad primitivo aki, maske nos no konosé t'e den detaye, di manera nesesario mester a supdividí su mes, komo ku ta bisa nos ku riba dia di Pentekòster a alkansá tres mil, i e kantidat aki a sigui krese.

Lugánan di reunion lo tabata e kasnan mas apropiá di esnan envolví, maske nan no a stòp di asistí na snoa i na Tèmpel. No a eksistí un kiebro inmediato, pues tur a rekonosé ku loke nan a kere anteriormente tabata base di e fe den Hesukristu. E tabata e Mesias anunsiá pa e profetanen i sperá pa e pueblo di Israel.

Si despues a surgi kiebro tabata pa e ningamentu di e dirigenenan i di hopi hudui pa aseptá a Hesus, loke a duna komo resultado persekushon i morto di e promé mártirnan, manera Esteban i Hakobo.

A yega momento ku kristiannan a ser ekspulsá di e snoanan i tabata tene nan propio reunionnan, maske nan tabata hasi uso di e bukinan di Tèstament Bieu ku lo a sigui siendo reverensiá komo Palabra di Dios t'e ku dia djawe.

Algu ku ta resaltá den e lektura aki ta ku kombershon den forma nesesario mester hiba, na amor entre rumannan, transformá den obra di mizerikòrdia i kompashon.

Asina riku i pobernan a kombibí, i un i otro nan tabata aportá lo mihó di nan mes, kreando un berdadero komunidad den kua tur hende tabata disfrutá i ningun



hende tabatin nesesidat di loke ta mas esensial.

E ideal aki, naturalmente, ta sigui siendo realidat entre nos. Maske añanan a pasa i situashon den kua awe ta bibando ta diferente di e esun di kuminsamentu, no ta laga di ta realidat ku den un berdadero komunidad kristian mester eksistí e mesun deseo aki di konfraternidat i yudansa mutuo.

Si esaki no ta presente, e komunidad aki lo transformá den un klup di amigu o un entidad sosial sin kompromiso ekstremo, pero e lo no ta un komunidad kristian outéntiko.

Fe ku mester karakterisá disipelnan di Hesus tin, den forma nesesario ta hiba nan na amor. Nos sa, i asina San Pablo ta enfatisá esaki (1a Korintionan 13,13), ku e tres virtutnan distintivo di kristianan ta fe, speransa i karidat, e último aki pa ser komprendé komo e amor na tur prueba. Karidat ta esun mas importante di tur, pasobra s e lo ta e úniko ku lo keda pa hinter eternidat. Esaki no ta nifiká ku fe no ta importante, pues sin esaki amor lo no tin su fundeshi. Asina ta laga nos mira e evangelio di awe, den kua ta kontan nos di e promé dos aparishonnan di Hesus na su apòstelnan despues di su resurekshon.

Algu ku ta yama atenshon ta ku e evangelista Huan ta enfatisá ku e promé tabata “riba e atardi di e promé dia di siman” i e di dos “ocho dia despues”, kier men, tambe un

promé dia di siman. Esaki tabata un di e basenan pa konsiderá ku e dia aki lo kombertí den “djadumingu” òf “dia di Señor”.

Den e promé aparishon Hesus ta konsedé na tur e apòstelnan, ku tabata reuní kisas den e mesun lugá kaminada a selebrá e Último Sena, ku eksepshon di Tomás, e poder di pordoná piká. Si promé a duna e poder aki na Pedro, awor E ta ekstendé esaki na e otro nan, i klaro ku tambe na nan susesornan.

Nos lo por a bisa ku na e momento ei Hesus a instituí e sakramentu di Rekonsiliashon o Penitensia, e instrumento maravioso di su mizerikòrdia p'asina ku nos risibí pordon di nos pikánan.

Den e di dos aparishon, Tomás ya presente, Hesus a enfatisá e nesesidat di fe. E apòstel ei a ninga di kere den resurekshon, eksigiendo, manera hopi awe, esta di ... mira pa kere.

Pero ora Hesus a invit'é pa mishi kuné i konstatá, e inkredulidat a dispersé i ta kambia den un konfeshon di fe den dibinidat di Kristu: “Mi Señor i mi Dios”.

Aki Hesus ta probechá pa deklará ku felis ta esnan ku ta kere, sin mira MI. Esaki ta un tema ku Pedro ta toka den su promé karta, di kua awe nos a skucha algun párafo. El a bisa nos tur ku nos fe mester ser pone na prueba ku sufriementu i diferente difikultat ku ta nifiká ser kristian, manera

ekspresá; i boso ta logra e meta di boso fe, esta salbas-hon di almanan”.

ta pone oro na prueba poniendo esaki den kandela, p'asina nos por gosa den e gloria ku Kristu, “ounke nunka boso a mir'é; ma pasobra boso ta kere den djE, i esaki ta yena boso kurason ku un goso asina grandi i glorioso ku palabra no por

E fe aki ku ningun hende ta mira ta loke ta pidi di nos. Un konfiansa absoluto den e promesanan ku Hesus a duna nos, poniendo den práktika su siñansanan, t'e ora ku yega e dia den kua nos ta alkansá e gloria den siglo i siglonan kuné i pa E.

Esun mas fuerte

Un dia, piedra a bisa: Mi ta mas fuerte! Skuchando esaki, heru a bisa: Mi ta mas fuerte ku abo. Bo ke mira?

Nan dos a lucha te ora ku piedra a kambia den pòlvo.

-Bo ta mira ku ami ta mas fuerte, heru a bisa?

Skuchando esaki, kandela a bisa: Bo ta robes, ami ta fuerte ku abo. Bo ke mira?

Heru i kandela a bringa ku otro te ora ku heru a dirti. Kandela a bisa ku orguyo, ami ta esun mas fuerte.

Pero awa a skuch'é i a bisa: Ami ta mas fuerte ku abo. Bo ke mira?

Nan dos a lucha te ora ku kandela a paga. I awa a bisa: Ami si ta esun fuerte.

Skuchando esaki, nubia bisa: Ami ta mas fuerte ku abo. Bo ke mira?

I nan a bringa te ora ku nubia a laga e awa evaporá. Nubia a bisa: Ami ta esun mas fuerte.

Pero bientu ku a mira nan ta bringa i a skucha komentario di nubia a bisa: Ami ta mas fuerte ku abo. Bo ke mira?

E ora ei nan dos a bringa te ora ku bientu a supla i nubia a kaba na nada. E ora ei bientu a bisa: Ami ta esun fuerte.

Pero e serunan a bis'é: Nos ta mas fuerte ku abo. Bo ke mira?

Nan a bringa te ora ku bientu a keda atrapá entre e serunan i esakinan a bisa: Nos ta fuerte.

Den e momento ei a aparese un hende i a bisa: Ami ta mas fuerte ku boso. Boso ke mira? E ora ei e hende, hasiendo uso di su inteligensia, a bora e serunan i a liberá bientu, kabando asina ku poder di e serunan.

Satisfecho e hende a bisa: Ami ta e kriatura mas fuerte ku ta eksistí.

Pero nèt den e momento ei morto a bin i e hende ku a kere di ta inteligente i lo sufisientemente fuerte, ku apénas un gòlpi, a dispersé.

Morto ainda tabata di fiesta pa su hazaña, ora, diripiente, a aparese otro hende den e esena. Morto tambe a kaba kuné, pero riba e di tres dia, el a resusitá, vensiendo morto di e manera aki.

E Hende ei ta HESUS, e Yu di Dios.

Si bo konosé un persona ku ta mas poderoso kunÉ, kita e mensahe aki di bo mente, pero si no, sòru pa komuniká esaki na e personanan ku abo konosé.

Hesus ta bisa bo:

“Ami ta esun ku ta duna bida i Esun ku ta laga mortonan bolbe biba. Esun ta pone su konfiansa den mi, maske e muri, lo biba. Esnan ku ainda ta biba i ta konfia den mi, nunka lo muri pa semper Abo por kere esaki?” Huan 11, 25-26



Sherman Gibbs

“Traha mainta, kome atardi”

No tin niun duda ku Sherman Gibbs a kapta hopi atenshon durante su bida. Djarason 24 di desèmber 2014, bispu di Pasku, a haña su kurpa sin bida na Subí Blanku, na e kas kaminda el a pasa mayoria di su añanan na Boneiru. Pasobra Gibbs tabata un yu di Kòrsou ku a bini Boneiru, a gusta i skohe tambe pa muri riba e isla aki. El a alkansá 77 aña di edat. Ta un hende ‘inlubidabel’ pa mi.

William Herman Gibbs a nase na Kòrsou den Saturnusstraat dia 23 di mei 1937. Pero el a biba na diferente otro parti di Kòrsou, manera el a konta algun aña promé ku su morto den e programa Herensia, filmá pa Ivan Wilson. El a biba na Roi Santu, na Montaña, na Ser'i Fortuna i algun otro kaminda mas. Masoméno na 1969 el a establese definitivamente na Boneiru. Kees Visser a tres'é Boneiru. Den e tempu ei Gibbs tabata piska huntú ku Manuel Ferreira, konosí komo Manué Portugues. Kees Visser tabatin un boto di piskadó.

Shofùr di trùk

Gibbs a konta: "Juancho Obersi tabatin mester di hende pa kore dòmrùk i trèker i a buska mi pa traha p'e. Na promé instante mi no kier a bin Boneiru, komo ku mi amigu i konosínan tabata bisa ku Boneiru ta un lugá ketu i ku seis'or di atardi tur hende tabata dreña kamber pa bai drumi. Pero mi a bini i Juancho Obersi a regla pa mi a pasa eksámen pa kore trùk grandi. Na Kòrsou mi tabata kore trùk kaba, pero mi no tabatin reibeweis."

Despues Sherman Gibbs a kuminsá traha komo mekániko na Boneiru. El a siña esaki serka su tata, ku tabatin un garashi na Kòrsou. E lugá na unda Sherman Gibbs tabata dreña outo tabata pegá ku Liberty Bar, riba tereno di Buchi de Jongh. Despues di un keskes ku Buchi, tambe e echo ku Mayer (doño di garashi) tabata nenga bende piesa kuné, komo ku e tabata kita klienten di e garashi di Mayer, el a disgustá i stòp di traha komo mekániko.

"Mi a bai bèk Kòrsou, na unda m'a bai traha den Isla komo shofùr di trèker i operadó di kran pa un kontratista. Un dia Djuni Obersi, yu di Juancho, a pidi mi pa traha p'e komo shofùr di trèker i trùk. Asina mi a regresá Boneiru i keda pa semper. E tempu ei tabatin hopi trabou, debí na e fábrika di aros ku tabatin. Na momentu ku e fábrika a sera mi a traha riba trùknan di El Tigre", Sherman Gibbs a bisa den e programa Herensia.

Mi deseo

Durante tur e añanan ku el a biba na Boneiru Sherman Gibbs

Inlubidabel ©

Bòi Antoin

Atrakshon

a yega di operá tambe un trùk di kuminda, stashoná pabou di e kompleho di Toko Altagracia di Mauricio Marchena, skina Kaya Korona-Kaya Papa Cornes. Tabatin tambe un bar den e kompleho aki, Charly's Bar, despues Bar Abou. Su 'trùk di pan' (Mi Deseo) tabata un vehíkulo sin motor ku el a kumpra serka Juancho Obersi pa 50 florin. El a hinka un motor den e vehíkulo i tur atardi lat e tabata bai na su sitio di kustumber.

Gibbs: "Mi a traha bon plaka ku e trùk aki. Pero tabata un trabou hopi duru i na sierto momentu mi no por a wanta e peso aki mas. No lubidá ku e trùk di pan aki tabata habri pa 7'or di anochi i tabata sera tin biaha te 10'or e siguiente mainta. Ta masha hopi soño mi tabata pèrdè. Mi a stòp ku e trùk."

Despues ku el a stòp di traha, Sherman Gibbs a keda biba na su kas situá na Subí Blanku. Gezaghebber Raymundo Saleh a sòru pa el a haña e tereno aki. Gibbs tabata gusta Subí Blanku. El a kombertí su kas den un atrakshon turístiko, ku yen di artefakto interesante.

Pafó na e kurá el a pone plachinan riba kua Calixto Coffie a pinta banderanan di hopi nashon. E banderanan ménos kompliká Sherman Gibbs mes a pinta.

Hopi turista, pasando banda di e kunuku aki, tabata para pa saka foto. E banderanan aki a hala atenshon tambe di periodistanan djafó ku a bishitá Boneiru. Sherman Gibbs por a mustra hopi foto saká huntú ku turista, tambe korant i revistanan den kua el a yega di aparesé. Hopi pòstkaart tambe ku nan tabata manda despues p'e. El a pasa na stashonnan di televishon rònt mundu. Asta den e programa 'Man bijt hond' Sherman Gibbs a aparesé. Un reakshon saká for di Internèt: "Stop at the home of Sherman Gibbs, on Kaminda Tras di Montaña. Sherman combines plastic bottles, boat motors, buoys, car seats, and just about everything to create an outsider-art fantasyland." Hopi bia ta referí na e kas di Sherman Gibbs komo e 'Junkyard Museum Bonaire'. Un relato na hulandes: "Als je met de auto richting Rincon rijdt, passeer je het domein van Sherman Gibbs, een niet te missen object duidelijk aangegeven door de talrijke golfplaten voorzien van bijna alle vlaggen van de wereld. Beslist stoppen en even kijken. Sherman is een uiterst vriendelijk persoon een soort kunstenaar, verzamelaar, een stiefbeen maar dan zonder zoon, wat je daar allemaal ziet...."



Sherman Gibbs na su trùk di pan. Su lema tabata: “Traha mainta, kome atardi.”


KOORYMAN
**DEALS
OF THE
WEEK**
**10%
DISCOUNT**
**STAINLESS STEEL
GARMENT RACK**

- Expands to display or dry more hanging items
- W80-154.9 cm
- H80-154.9 cm

~~32.99~~
29.99

 or 2141 Fun Miles
 100058402

10-TIER NON-WOVEN SHOE RACK

- It can be used as single 10-tier shelfrack or 2x 5-tier shelfracks
- Holds up to 50 pairs of shoes

**10%
DISCOUNT**
~~43.99~~
39.99

 or 2855 Fun Miles
 100055178

6-TIER NON-WOVEN SHOE RACK

- It can be used as single 6-tier shelfrack or 2x 3-tier shelfracks
- Holds up to 18 pairs of shoes
- Sturdy metal frame & waterproof nonwoven shelves
- L58.4xW28xH107 cm

**10%
DISCOUNT**
~~27.99~~
24.99

 or 1784 Fun Miles
 100058403

**10%
DISCOUNT**
3-SHELF WARDROBE

- L50.8cmxW43.2xH160 cm

~~32.99~~
29.99

 or 2141 Fun Miles
 100058404

**WARDROBE WITH 2
HAMPER**

- Includes 4-shelf wardrobe with 2 hampers
- L87xW44.5xH158 cm

**10%
DISCOUNT**
~~43.99~~
39.99

 or 2855 Fun Miles
 100058401

 Offer valid from Monday 12th till Sunday 18th of April 2021 or while supplies last

 kooymanbv.com  
THERE IS ALWAYS SOMETHING TO DO

**Happy
Birthday!**

awe 12 april pa nos prinsipé mayó


Franklin D.C. Antoin

Masha pabien di bo yu stimá Maynard, bo kasá, mama, tata, rumannan, Emma i tur bo amigu(a)nan. Nos ta deseá bo hopi aña mas yen di bendishon, pas i felisidat.

Di parti di BONERIANO/Extra-Boneiru makutu yen i forsa pa sigui dilanti Kinkin.

**Sifra di bakunashon
COVID-19**

 Kantidat di hende
ku a pasa angua
un biaha:

5907

 Kantidat di hende
ku a pasa angua
dos biaha:

2222

 Kantidat di hende
ku a registrá:

9989

Te ku: 9-04-2021


#BANBAKUNÁ
 Registrá awor!

 www.bonairecrisis.com
 0800 0900 (grátis)





\$159



\$375





\$85



**IPADS
STARTING
FROM
\$549**

iPhone 12 Pro



iPhone 12



iPhone SE



iPhone 12 Mini



iPhone 11



City Shop

Smart shopping ► Better living



Kaya International #36



www.cityshopbonaire.com



City Shop Bonaire



+599 717.36.66



info@cityshopbonaire.com



+599 700.64.42